

四庫全書

史部

欽定四庫全書

史部

資治通鑑卷九十八

詳校官編修_臣范來宗

洗馬_臣王坦修覆勘

總校官知縣_臣楊懋珩

校對官庶吉士_臣范鏊

謄錄監生_臣劉澐

欽定四庫全書

資治通鑑卷九十八

宋 司馬光 撰

胡三省 音註

晉紀二十

起藩雍詔雖盡上章閭茂凡三年

孝宗穆皇帝上之下

永和四年夏四月林邑寇九真

既再破日南故進寇殺九真九真郡唐愛州

士民什八九

趙秦公紹南寵於趙王虎欲立之以太

子宣長

長知兩翻

猶豫未決宣嘗忤旨

忤五故翻

虎怒曰悔不立

韜也韜由是益驕造堂於太尉府號曰宣光殿梁長九

丈

長直亮翻

宣見之大怒斬匠截梁而去

以犯其名也

韜怒增之

至十丈宣聞之謂所幸楊杯牟成趙生曰凶豎傲慢敢

爾

懷弼力翻

汝能殺之吾入西宮

虎居西宮

當盡以韜之國邑分

封汝等韜死主上必臨喪吾因行大事蔑不濟矣

左傳潘崇

謂楚商臣曰能行大事乎杜預注曰大事謂弑君

杯等許諾秋八月韜夜與僚

屬宴於東明觀

水經注石氏立東明觀於鄴東城上

因宿於佛精舍

佛精舍佛

寺也僧徒專精修行之地故謂之精舍事物紀原曰宣
漢明帝於東都門外立精舍以處攝摩騰竺法蘭

使楊杯等緣獼猴梯而入

梯小而長人如獼猴攀緣而上故曰獼猴梯

殺韜

置其刀箭而去旦日宣奏之虎哀驚氣絕久之方蘇將

出臨其喪司空李農諫曰害秦公者未知何人賊在京

師鑾輿不宜輕出虎乃止嚴兵發哀於太武殿宣往臨

韜喪不哭直言呵呵

呵呵虎何翻呵呵笑聲

使舉衾觀尸大笑而去

大被曰衾

收大將軍記事參軍鄭靖尹武等將委之以罪虎

疑宣殺韜欲召之恐其不入乃詐言其母杜后哀過危

愀

愀陟劣翻類篇丑例翻困劣也言其氣息愀然僅相屬也

宣不謂見疑入朝中宮

因留之

朝直建

興人史科知其謀告之

魏土地記曰建興郡治陽阿縣

陽阿縣漢屬上黨郡魏收志曰慕容永分上黨置建興郡則其地非石趙所置建興郡也水經注曰田融言趙

立建興郡於廣宗城內斯其是矣

虎使收楊杯牟成皆亡去獲趙生詰

之具服

詰去吉翻

虎悲怒彌甚囚宣於席庫

席庫藏席之所

以鐵環

穿其頤而鑊之取殺韜刀箭舐其血哀號震動宮殿

鑊蘇

果翻舐直比翻號戶高翻

佛圖澄曰宣韜皆陛下之子今為韜殺宣

是重禍也

為于偽翻

陛下若加慈恕福祚猶長若必誅之宣

當為彗星下掃鄴宮

彗祥歲翻又旋芮翻又徐醉翻

虎不從積柴於鄴

北樹標其上標末置鹿盧穿之以繩

鹿盧即轆轤

倚梯柴積

送宣其下使韜所幸宦者郝稚劉霸拔其髮抽其舌牽

之登梯郝稚以繩貫其領鹿盧絞上

上時掌翻

劉霸斷其手

足

斷丁管翻

斫眼潰腸如韜之傷四面縱火煙炎際天

炎讀曰燄

虎從昭儀已下數千人登中臺以觀之

中臺者三臺之中臺即銅爵臺

也火滅取灰分置諸門交道中

交道午道也一縱一橫為午道

殺其妻

子九人宣少子纔數歲

少詩照翻

虎素愛之抱之而泣欲赦

之其大臣不聽就抱中取而殺之兒挽虎衣大叫至於

絕帶虎因此發病又廢其后杜氏為庶人誅其四率已

下三百人宦者五十人皆車裂節解弃之漳水

東宮有左右前

後四率率所律翻支解者解其四支節解者凡骨節節解之也

洿其東宮以養猪牛

洿汪乎翻

東宮衛士十餘萬人皆謫戍涼州

趙未得涼州置涼州於金城謫

使戍涼州之邊也為下高力叛張本

先是趙攬言於虎曰宮中將有變宜

備之及宣殺韜虎疑其知而不告亦誅之

史言趙攬談天於猜暴之

朝以自禍先悉薦翻

朝廷論平蜀之功欲以豫章郡封桓溫尚

書左丞荀綦曰溫若復平河洛

復扶又翻

將何以賞之乃加

溫征西大將軍開府儀同三司封臨賀郡公加譙王無

忌前將軍袁喬龍驤將軍封湘西伯

驤思將翻

蕤崧之子也

荀崧荀藩之弟永嘉之禍相與建行臺於密建興之初又嘗鎮宛

溫既滅蜀威名大振

朝廷憚之會稽王昱以揚州刺史殷浩有盛名朝野推

服引為心膂與參綜朝權欲以抗溫由是與溫寢相疑

貳

為溫廢浩膂制朝廷張本朝直遙翻會工外翻

浩以征北長史荀羨前江州

刺史王羲之夙有令名擢羨為吳國內史

江左郡國以吳為甲羲

之為護軍將軍以為羽翼羨蕤之弟羲之導之從子也

從才用翻義之以為內外協和然後國家可安勸浩不宜與

溫構隙浩不從燕王玆有疾召世子雋屬之曰屬之欲翻

今中原未平方資賢傑以經世務恪知勇兼濟才堪任

重汝其委之以成吾志又曰陽士秋士行高潔忠幹貞

固陽驚字士秋行卜孟翻可託大事汝善待之九月丙申夢年五十二

趙王虎議立太子太尉張舉曰燕公斌有武畧斌音彬

彭城公遵有文德惟陛下所擇虎曰卿言正起吾意戎

昭將軍張材曰載記曰虎置左右我昭曜武將軍位在左右衛上燕公母賤又

嘗有過

謂欲殺張賀度也事見九十六卷咸帝咸康六年

彭城公母前以太子

事廢

遵與逵同母鄭氏廢見九十五卷咸康三年

今立之臣恐不能無微恨

陛下宜審思之初虎之拔上邽也

見九十四卷咸帝咸和四年

張豺

獲前趙主曜幼女安定公主有殊色納於虎虎嬖之

卑嬖

義翻又博計翻

生齊公世材以虎老病欲立世爲嗣冀劉氏爲

太后已得輔政乃說虎曰陛下再立太子其母皆出於

倡賤

說輸芮翻倡音昌

故禍亂相尋今宜擇母貴子孝者立之

虎曰卿勿言吾知太子處矣虎再與羣臣議於東堂虎

曰吾欲以純灰三斛自滌其腸何為專生惡子年踰二

十輒欲殺父今世方十歲比其二十吾已老矣

比必寐翻

乃

與張舉李農定議令公卿上書請立世為太子大司農

曹莫不肖署名虎使張豺問其故莫頓首曰天下重器

不宜立少

少詩照翻

故不敢署虎曰莫忠臣也然未達朕意

張舉李農知朕意矣可令諭之遂立世為太子以劉昭

儀為后

虎父子相殘廢長立少天將假手於丹閔以夷其種類也

冬十一月甲辰

葬燕文明王

號諡曰文明

世子雋即位

雋字宣英號之第二子

赦境內

遣使詣建康告喪

使疏史翻

以弟交為左賢王左長史陽驍

為郎中令

十二月以左光祿大夫領司徒錄尚書事

蔡謨為侍中司徒謨上疏固讓謂所親曰我若為司徒

將為後代所哂

哂式忍翻

義不敢拜也

五年春正月辛未朔大赦趙王虎即皇帝位

虎以成帝咸康

三年即天王位今即皇帝位

大赦改元太寧諸子皆進爵為王故東

宮高力等萬餘人謫戍涼州

石宣簡多力之士以衛東宮號曰高力置督將以領

之行達雍城

扶風雍縣城也雍於用翻下同

既不在赦例又敕雍州刺

史張茂送之茂皆奪其馬使之步推鹿車致糧成所

吐推

雷翻風俗通曰鹿車窄小裁容一鹿

高力督定陽梁犢

定陽縣漢屬上郡晉省後魏太安中

置定陽郡唐為延州臨真縣

因衆心之怨謀作亂東歸衆聞之皆踊

抃大呼

踊跳躍也抃拊手也呼火故翻

犢乃自稱晉征東大將軍帥衆

攻拔下辨

辨步覓翻

安西將軍劉寧自安定擊之為犢所敗

敗補邁翻

高力皆多力善射一當十餘人雖無兵甲掠民斧

施一丈柯攻戰若神

柯斧柄也

所向崩潰戍卒皆隨之攻陷

郡縣殺長吏二千石

長知兩翻

長驅而東比至長安

比必寐翻

衆

已十萬樂平王苞盡銳拒之一戰而敗犢遂東出潼關

進趣洛陽

趙七喻翻

趙主虎以李農為大都督行大將軍事

統衛軍將軍張賀度等步騎十萬討之戰于新安

新安縣漢

屬弘農郡自晉以後屬河南郡騎奇寄翻下同

農等大敗戰于洛陽又敗退壁

成臯犢遂東掠滎陽陳留諸郡

武帝泰始二年分河南置滎陽郡

虎大

懼以燕王斌為大都督督中外諸軍事統冠軍大將軍

姚弋仲車騎將軍蒲洪等討之

斌音彬冠古玩翻

弋仲將其衆

八千餘人至鄴

自蒲頭至鄴將即亮翻

求見虎虎病未之見引入

領軍省

領軍省領軍將軍視事之所

賜以已所御食弋仲怒不食曰

主上召我來擊賊當面見授方略我豈為食來邪

為于偽翻

下羌為同

且主上不見我我何以知其存亡邪虎力疾見之

弋仲讓虎曰兒死愁邪何為而病兒幼時不擇善人教

之使至於為逆既為逆而誅之又何愁焉且汝久病所

立兒幼

謂太子世也

汝若不愈天下必亂當先憂此勿憂賊

也積等窮困思歸相聚為盜所過殘暴何所能至老羌

為汝一舉了之

了決也

弋仲性狷直人無貴賤皆汝之虎

亦不之責

狷吉豫翻以石虎之猜暴而能容姚弋仲之狷直者以其當理而切於事情也苟徒狷直

而不切當殆難以免矣

於坐授使持節征西大將軍賜以鎧馬

坐狙

臥翻使疏吏翻鎧可亥翻

弋仲曰汝看老羗堪破賊否乃被鎧跨馬

于庭中

被皮義翻

因策馬南馳不辭而出遂與斌等擊犢於

滎陽大破之斬犢首而還討其餘黨盡滅之虎命弋仲

劔履上殿入朝不趨

上時掌翻

進封西平郡公蒲洪為車騎

大將軍開府儀同三司都督雍秦州諸軍事雍州刺史

雍於用翻

進封略陽郡公始平人馬勗聚兵自稱將軍

杜佑

曰漢平陵晉改為趙樂平王苞討滅之誅三千餘家

夏四月益州刺史周撫龍驤將軍朱燾擊范賁斬之益

州平

范賁亂始上卷三年驤始將翻

詔遣謁者陳沈如燕

沈持林翻

拜慕

容雋為使持節侍中大都督督河北諸軍事幽平二州

牧

使疏吏翻考異曰雋載記云幽冀并平四州牧今從帝記

大將軍大單于燕王

單音蟬

桓溫遣督護滕駿帥交廣之兵擊林邑王文於

盧容

峻祖峻翻盧容縣自漢以來屬日南郡有盧容浦去郡二百里帥讀曰率

為文所敗

補

通退屯九真乙卯趙王虎病甚以彭城王遵為大將

軍鎮關右燕王斌為丞相錄尚書事張材為鎮衛大將

軍領軍將軍吏部尚書

劉聰置十六大將軍鎮衛其一也石虎置鎮衛將軍在車騎將

軍上今以張材為鎮衛大將軍崇其號也領軍將軍則掌兵柄吏部尚書則典選事是文武二柄悉以付材

並受遺詔輔政劉后惡斌輔政恐不利於太子與張材

謀去之

惡烏路翻去羗呂翻

斌時在襄國遣使詐謂斌曰主上疾

已漸愈王須獵者可少停也斌素好獵嗜酒

少詩沼翻好呼到翻

遂留獵且縱酒劉氏與材因矯詔稱斌無忠孝之心免

官歸第使材弟雄帥龍騰五百人守之

此石虎幽石宏之故智也張材

踵而用之非虎教之邪石斌亦庸人耳君父疾篤徵之受遺輔政就使虎疾少愈亦當夜衣而行乃酣酒縱獵其無智識如此就使得權諸弟亦將殄其臂而奪之張舉謂有武略妄矣乙丑遵自幽州至

鄴敕朝堂受拜

朝直
逢翻

配禁兵三萬遣之遵涕泣而去是

日虎疾小瘳問遵至未左右對曰去已久矣虎曰恨不

見之虎臨西閣

太武殿之
西閣也

龍騰中郎二百餘人列拜於

前虎問何求皆曰聖體不安宜令燕王入宿衛典兵馬

或言乞以為皇太子虎曰燕王不在內邪召以來左右

言王酒病不能入虎曰促持輦迎之當付璽綬亦竟無

行者

左右皆為劉后母子故竟無行者璽斯氏翻綬音受

尋惛眩而入

惛迷忘也眩目視亂

也張材使張雄矯詔殺斌

殺斌欲以一衆心豈知已有從吏石遵入立者

戊辰

劉氏復矯詔以材為太保都督中外諸軍錄尚書事如

霍光故事

復扶又翻

侍中徐統歎曰亂將作矣吾無為預之

仰藥而死已巳虎卒太子世即位尊劉氏為皇太后劉

氏臨朝稱制

朝直逞翻

以張材為丞相材辭不受請以彭城

王遵義陽王鑒為左右丞相以慰其心劉氏從之材與

太尉張舉謀誅司空李農舉素與農善密告之農奔廣

宗帥乞活數萬家保上白

乞活李憚田徽之餘衆也自永嘉以來屯聚於上白帥讀

曰劉氏使張舉統宿衛諸軍圍之材以張離為鎮軍大

將軍監中外諸軍事以為已副

監工街翻

彭城王遵至河內

聞喪姚弋仲蒲洪劉寧及征虜將軍石閔武衛將軍王

鸞等討梁犢還遇遵於李城

續漢志河內平輿縣有李城史記邯鄲李同却秦兵

趙封其父李侯即此城

共說遵曰殿下長且賢先帝亦有意以殿

下為嗣

謂虎欲從張舉之言也說輸芮翻長知兩翻

正以末年惛惑為張材

所誤今女主臨朝奸臣用事上白相持未下京師宿衛

空虛殿下若聲張豺之罪鼓行而討之其誰不開門倒

戈而迎殿下者遵從之遵自李城舉兵還趣鄴

趣七洛喻翻

州刺史劉國帥洛陽之衆往會之檄至鄴張豺大懼馳

召上白之軍丙戌遵軍於蕩陰

蕩音湯

戎卒九萬石閔為

前鋒耆雋羯士皆曰彭城王來奔喪吾當出迎之不能

為張豺守城也

方言曰耆長也說文曰老也左傳注曰強也禮記音義曰至也言至老境也羯

士石氏之種類也為于偽翻

踰城而出豺斬之不能止張離亦帥龍

騰二千斬關迎遵劉氏懼召張豺入對之悲哭曰先帝

梓宮未殯而禍難至此

難乃旦翻

今嗣子冲幼託之將軍將

軍將若之何欲加尊重位能弭之乎豺惶怖不知所出

怖普市翻

但云唯唯

唯于癸翻

乃下詔以遵為丞相領大司馬大

都督督中外諸軍錄尚書事加黃鉞九錫己丑遵至安

陽亭

安陽縣屬魏郡此蓋安陽縣都亭也

張豺懼而出迎遵命執之庚寅

遵環甲曜兵入自鳳陽門升太武前殿擗踊盡哀

環音宜擗

毗亦翻狩心也踊跳也

退如東閣

太武殿之東閣也

斬張豺于平樂市

鄴都

有平樂市樂音洛

夷其三族假劉氏令曰嗣子幼冲先帝私恩

所授皇業至重非所克堪其以遵嗣位於是遵即位大

赦罷上白之園辛卯封世為譙王

載記曰世凡立三十三日

廢劉氏

為太妃

考異曰晉春秋及十六國春秋鈔皆云廢太后為昭儀今從載記十六國春秋及載記又云

世立三十三日按四月乙巳至五月庚寅凡二十一日

尋皆殺之李農來歸罪使

復其位尊母鄭氏為皇太后

鄭氏即遂母鄭后被廢見九十五卷成帝咸康三年

立妃張氏為皇后故燕王斌子衍為皇太子以義陽王

鑒為侍中太傅沛王冲為太保樂平公苞為大司馬汝

陰王琨為大將軍武興公閔為都督中外諸軍事輔國

大將軍

為石閔得兵柄以夷胡羯張本

甲午鄴中暴風拔樹震雷雨雹

大如孟升

如孟及升也雨于具翻

太武暉華殿災及諸門觀閣蕩

然無餘乘與服御燒者大半

觀古玩翻乘繩證翻

金石皆盡火月

餘乃滅時沛王冲鎮薊

冲蓋代遵鎮薊薊音計

聞遵殺世自立謂

其僚佐曰世受先帝之命遵輒廢而殺之罪莫大焉其

敕內外戒嚴孤將親討之於是留寧北將軍沐堅戍幽

州

沐食律翻姓也

卽衆五萬自薊南下傳檄燕趙所在雲集比

至常山

卽讀曰率比必寐翻

衆十餘萬軍于苑鄉遇遵赦書冲曰

皆吾弟也死者不可復追何為復相殘乎

復扶又翻下同

吾將

歸矣

欲歸
嗣也

其將陳暹曰彭城篡弑自尊為罪大矣王雖

北旆臣將南轅俟平京師擒彭城然後奉迎大駕冲乃

復進遵馳遣王擢以書喻冲冲弗聽遵使武興公閔及

李農帥精卒十萬討之戰于平棘

平棘縣漢屬常山郡
晉屬趙國唐為趙州

所冲兵大敗獲冲于元氏

元氏縣漢屬常山郡晉屬趙國閔駟曰趙公子元之封邑

故曰元氏唐元氏縣屬趙州劉昫曰元氏漢常山郡所治故城在今趙州元氏縣西南

賜死阮其

士卒三萬餘人武興公閔言於遵曰蒲洪人傑也今以

洪鎮關中臣恐秦雍之地非國家之有

雍於用翻

此雖先帝

臨終之命然陛下踐祚自宜改圖遵從之罷洪都督餘

如前制洪怒歸枋頭遣使來降

洪屯枋頭見九十五卷成帝咸和八年降戶江

翻

燕平狄將軍慕容霸上書於燕王雋曰石虎窮凶極

暴天之所弃餘燼僅存自相魚肉今中國倒懸企望仁

恤若大軍一振勢必投戈北平太守孫興亦表言石氏

大亂宜以時進取中原雋以新遭大喪弗許

以去年號費也

霸

馳詣龍城言於雋曰難得而易失者時也萬一石氏衰

而復興

易以鼓翻復扶又翻

或有英雄據其成資

謂中原或有英雄乘亂而取趙

據有其已成之資也

豈惟失此大利亦恐更為後患雋曰鄴中雖

亂鄧恒據安樂

以前參考安樂當作樂安

兵彊糧足今若伐趙東道

不可由也當由盧龍盧龍山徑險狹

水經注濡水東南逕盧龍塞塞道自

無終縣東出渡濡水向林蘭陁東至清陁盧龍之險峻陁縈折故有九陁之名

虜乘高斷要

管首尾為患將若之何霸曰恒雖欲為石氏拒守其將

士顧家人懷歸志若大軍臨之自然瓦解臣請為殿下

前驅東出徒河潛趨令支出其不意

為于偽翻趨七喻翻令音鈴又即定

翻支音祁彼聞之勢必震駭上不過閉門自守下不免弃城

逃潰何暇禦我哉然則殿下可以安步而前無復留難

矣雋猶豫未決以問五材將軍封奕

燕置五材將軍蓋取宋子罕所謂大

生五材誰能去兵之義

對曰用兵之道敵彊則用智敵弱則用勢

是故以大吞小猶狼之食豚也以治易亂猶日之消雪

也大王自上世以來積德累仁兵彊士練石虎極其殘

暴死未瞑目

瞑莫定翻

子孫爭國上下乖亂中國之民墜於

塗炭延頸企踵以待振拔大王若揚兵南邁先取薊城

次指鄴都宣耀威德懷撫遺民彼孰不扶老提幼以迎

大王凶黨將望旗冰碎安能為害乎從事中郎黃泓曰

泓烏宏翻今太白經天歲集畢北陰國受命此必然之驗也

漢書天文志太白經天天下革民更王孟康注曰謂出東入西出西入東也太白陰星出東當伏東出西當伏西過午為經天晉灼曰日陽也日出則星亡晝見午上為經天歲星所在國不可伐可以伐人昴畢間為天街其陰陰國歲集畢北明陰國當受命而王宜速出師以承天意折衝將軍慕

輿根曰中國之民困於石氏之亂咸思易主以救湯火

之急此千載一時不可失也

載子亥翻

自武宣王以來

慕容廆謚

武宣王招賢養民務農訓兵正俟今日今時至不取更復

顧慮

復伏又翻

豈天意未欲使海內平定邪將大王不欲取

天下也雋笑而從之以慕容恪為輔國將軍慕容評為

輔弼將軍左長史陽騫為輔義將軍謂之三輔

輔弼輔義二將

軍號亦一時創置

慕容霸為前鋒都督建鋒將軍

建鋒將軍亦創置也

選

精兵二十餘萬講武戒嚴為進取之計

考異曰燕景昭紀集兵在四

月時石虎方死諸子未爭十六國春秋在五月故從之

而燕書載封奕慕與根言俱指丹閔按是時閔未篡趙

蓋撰史者附會耳故削去

六月葬趙王虎於顯原陵廟號太祖

桓溫聞趙亂出屯安陸

安陸縣自漢以來屬江夏郡唐為安州治所溫自江陵出屯安

陸遣諸將經營北方

將即亮翻

趙揚州刺史王浹舉壽春降

浹即協翻降戶江翻下同

西中即將陳達進據壽春征北大將軍褚

裒上表請伐趙

褚裒時鎮京口裒蒲侯翻

即日戒嚴直指泗口朝議

以裒事任貴重宜先遣偏帥

裒太后之父又當方面故云事任貴重

裒奏

言前已遣督護王頤之等徑造彭城

造七到翻

後遣督護麋

疑進據下邳

疑魚力翻

今宜速發以成聲勢秋七月加裒征

討大都督督徐兗青揚豫五州諸軍事裒帥衆三萬徑

赴彭城

帥讀曰率

北方士民降附者日以千計朝野皆以為

中原指期可復光祿大夫蔡謨獨謂所親曰胡滅誠為

大慶然恐更貽朝廷之憂其人曰何謂也謨曰夫能順

天乘時濟羣生於艱難者非上聖與英雄不能為也自

餘則莫若度德量力

度徒洛翻量音良

觀今日之事殆非時賢

所及必將經營分表疲民以逞

言必不能長驅以定中原勢須隨所得之地分

列屯戍畫境而守疲民以逞其志也或說分音扶問翻
言人之才具各有分量收復中原非當時人才所能辦
也經之營之過於其分量之外則不能成功丁既而才
壯苦征戰老弱困轉輸疲民以逞而不能濟也

畧踈短不能副心財殫力竭智勇俱困安得不憂及朝

廷乎

其後殷浩之敗卒如蔡謨所料

魯郡民五百餘家相與起兵附晉

求援於褚裒裒遣部將王龕李邁將銳卒三千迎之

龕苦

舍翻將即亮翻

趙南討大都督李農帥騎二萬與龕等戰于代

陂

騎奇寄翻

龕等大敗皆沒於趙八月裒退屯廣陵陳達聞

之焚壽春積聚毀城遁還

積子賜翻聚慈諭翻

裒上疏乞自貶詔

不許命裒還鎮京口解征討都督時河北大亂遺民二

十餘萬口渡河欲來歸附會裒已還威勢不接皆不能

自叛死亡略盡

考異曰哀傳云為慕容皝及苻健所掠死亡咸盡按是時慕容皝卒已踰年

矣永和六年慕容皝始率衆南征石鑒即位後蒲洪始有衆十萬永和六年洪死健始嗣位皆與哀不相接今

不取

趙樂平王苞謀帥關右之衆攻鄴帥讀曰率下同左長史

石光司馬曹曜等固諫苞怒殺光等百餘人苞性貪而

無謀雍州豪傑知其無成並遣使告晉梁州刺史司馬

勲帥衆赴之

勲宣帝弟子濟南王遂之曾孫雍於用翻使疏吏翻

楊初襲趙西

城破之

楊初武都氏王也此西城蓋即漢隗囂奔處

九月涼州官屬共上

張重華為丞相涼王雍秦涼三州牧

上時掌翻重華屢以錢

帛賜左右寵臣又喜博奕博博奕奕顏廢政事徵事

索振諫曰先王夙夜勤儉以實府庫正以警趾未雪志

平海內故也殿下嗣位之初疆寇侵逼徵事涼所置官謂趙來攻也事

見上卷二年三年索惜各翻賴重餌之故得戰士死力謂以錢帛厚賞戰士得其

出力僅保社稷今蓄積已虛而寇讐尚在豈可輕有耗

散以與無功之人乎昔漢光武躬親萬機章奏詣闕報

不終日故能隆中興之業今章奏停滯動經時月三月為一

時三司下情不得上通沈寃困於囹圄沈持林翻囹圄盧經翻獄也囹偶

欽定四庫全書資治通鑑卷九十八

守也殆非明主之事也重華謝之司馬勲出駱谷破

趙長城戍長城戍即魏司馬望鄭艾據之以拒姜維之地壁于懸鉤去長安二

百里使治中劉煥攻長安斬京兆太守劉秀離劉秀離蓋迎戰

而敗死漢未能又拔賀城三輔豪傑多殺守令以應勲

凡三十餘壁衆五萬人趙樂平王苞乃輟攻鄴之謀使

其將麻秋姚國等將兵拒勲趙主遵遣車騎將軍王朗

帥精騎二萬以討勲為名因劫苞送鄴勲兵少畏朗不

敢進使桓溫於是時攻關中可取也少詩沼翻冬十月釋懸鉤拔宛城殺

趙南陽太守袁景復還梁州宛於元翻復狀又翻初趙主遵之

發李城也謂武興公閔曰努力事成以爾為太子既而

立太子衍閔恃功欲專朝政朝直遵翻遵不聽閔素驍勇屢

立戰功夷夏宿將皆憚之驍堅既翻既為都督總內外兵權

乃撫循殿中將士皆奏為殿中負外將軍爵關外侯殿中

將軍晉初置殿中負外將軍又後來所置也關外侯漢

獻帝建安二十年魏武王置所謂名號侯也余按泰漢

列侯則有國邑關內侯無國邑列位於朝無官位者居

京師故謂之關內侯列侯就國者多出關外後曹操置

關外侯於關內侯之下非泰漢列爵意也遵弗之疑而更題名善惡以挫抑

之衆咸怨怒中書令孟準左衛將軍王鸞勸遵稍奪閔

兵權閔益恨望恨望猶怨望也準等咸勸誅之十一月遵召義

陽王鑒樂平王苞汝陰王琨淮南王昭等入議於鄭太

后前曰閔不臣之迹漸著今欲誅之如何鑒等皆曰宜

然鄭氏曰李城還兵無棘奴豈有今日冉閔小字棘奴小驕縱

之謂閔恃功驕之何可遽殺鑒出遣宦者楊環馳以告閔

閔遂劫李農及右衛將軍王基密謀廢遵使將軍蘇彥

周成帥甲士三千人執遵於南臺三臺之南臺也水經注銅雀臺之南則金

雀臺高八丈有屋百
九十間帥讀曰率
遵方與婦人彈碁藝經曰彈碁兩人對局白黑碁

各六枚先列碁相當更先彈也其局以石為之局形四
隤而中高魏文帝善彈碁能用手中角時一書生又能
低頭以所冠葛巾擬碁劉貢父詩云漢皇初厭楚鞠勞
侍臣始作彈碁戲彈碁蓋始於漢也世說曰彈碁始自
魏內宮粧奩之戲此說誤也按西京雜記漢武帝好覺
鞠言事者以為勞體非至尊所宜帝命擇似而不勞者
家君作彈碁奏之帝大悅問成曰反者誰也成曰義陽王鑒當立遵

曰我尚如是鑒能幾時遂殺之於琨華殿戴記曰遵在位凡一百八

十三并殺鄭太后張后太子衍孟準王鸞及上光祿張

裴載記曰石虎置上中光祿大夫位在左右光祿大夫上鑒即位大赦以武興公

閔為大將軍封武德王司空李農為大司馬並錄尚書

事郎閔為司空

閔苦亥翻又音開

秦州刺史劉羣為尚書左僕

射侍中盧諶為中書監

諶是士翻

秦雍流民相率西歸

成帝

咸和四年石虎破殺劉惔徙氐羌十五萬落于司冀州八年破石生徙秦雍民及氐羌十餘萬戶于關東今因趙亂故相帥西歸雍於用翻帥讀曰率路由枋頭共推蒲洪為主眾至十

餘萬

蒲洪勸石虎徙秦雍民夷以實關東而身委質洪於趙及趙之亂得因以為資奸雄俟時而動也

子健在鄴斬關出奔枋頭鑒懼洪之逼欲以計遣之乃

以洪為都督關中諸軍事征西大將軍雍州牧領秦州

刺史洪會官屬議應受與不

不讀曰否

主簿程朴請且與趙

連和如列國分境而治洪怒曰吾不堪為天子邪而云

列國乎引朴斬之

姚弋仲猶知盡忠於石氏蒲洪則直欲奪取之而後已

都鄉

元侯褚裒

漢志常山郡有都鄉侯國晉志不見此特以漢舊侯國名封褚裒耳非必有實土也

還

至京口聞哭聲甚多以問左右對曰皆代陂死者之家

也裒慙憤發疾十二月己酉卒以吳國內史荀羨為使

持節監徐兗二州揚州之晉陵諸軍事徐州刺史時年

二十八中興方伯未有如羨之少者

少詩照翻

趙主鑒使

樂平王苞中書令李松殿中將軍張才夜攻石閔李農

於琨華殿不克禁中擾亂鑒懼偽若不知者夜斬松才

於西中華門并殺苞新興王祗虎之子也時鎮襄國與

姚弋仲蒲洪等連兵

祗北連姚弋仲南連蒲洪以討閔農

移檄中外欲共

誅閔農閔農以汝陰王琨為大都督與張舉及侍中呼

延盛帥步騎七萬分討祗等

帥讀曰率騎奇寄翻

中領軍石成侍

中石啓前河東太守石暉謀誅閔農閔農皆殺之龍驤

將軍孫伏都劉銖等帥羯士三千伏於胡天

胡天蓋石氏禁中署

舍之名驥
忠將翻

亦欲誅閔農鑒在中臺伏都帥三十餘人將

升臺挾鑒以攻之鑒見伏都毀閣道臨問其故伏都曰

李農等反已在東掖門臣欲帥衛士討之謹先啓知鑒

曰卿是功臣好為官陳力

魏晉以下率謂天子為官天子亦時自言之陳展也為于

偽朕從臺上觀卿勿慮無報也

言若能誅閔農將厚賞以報之

於是伏

都銖帥衆攻閔農不克屯於鳳陽門閔農帥衆數千毀

金明門而入鑒懼閔之殺已馳招閔農開門內之謂曰

孫伏都反卿宜速討之閔農攻斬伏都等自鳳陽至琨

華橫尸相枕

枕職任翻

流血成渠宣令內外六夷敢稱兵仗

者斬

稱舉也

胡人或斬關或踰城而出者不可勝數

閔既誅孫

伏都等又禁胡人稱兵仗胡人知禍之將及故去勝晉升

閔使尚書王簡少府王鬱

帥衆數千守鑒於御龍觀

觀古玩翻

懸食以給之下令城中

曰近日孫劉構逆支黨伏誅良善一無預也今日已後

與官同心者留不同者各任所之敕城門不復相禁

復扶

又於是趙人百里內悉入城

趙人謂中國人也

胡羯去者填門

閔知胡之不為已用班令內外趙人斬一胡首送鳳陽

門者文官進位三等武官悉拜牙門一日之中斬首數

萬閔親帥趙人以誅胡羯無貴賤男女少長皆斬之

少詩

照翻長知兩翻

死者二十餘萬尸諸城外悉為野犬豺狼所食

其屯戍四方者閔皆以書命趙人為將帥者誅之或高

鼻多須濫死者半

高鼻多鬚其狀似羯胡故亦見殺將即亮翻帥所類翻

燕王

雋遣使至涼州

使疏吏翻

約張重華共擊趙

高句麗王釗

送前東夷護軍宋晃于燕燕王雋赦之更名曰活

吏工衛翻

下拜為中尉

晃奔高麗見九十六卷成帝咸康四年

六年春正月趙大將軍閔欲滅去石氏之迹

去羌呂翻

託以

識文有繼趙李更國號曰衛易姓李氏大赦改元青龍

太宰趙庶太尉張舉中軍將軍張春光祿大夫石岳撫

軍石寧

撫軍之下當有將軍字

武衛將軍張李及公侯卿校龍騰

等萬餘人出奔襄國

從石祗也校戶教翻

汝陰王琨奔冀州

趙之冀州

治信都

撫軍將軍張沈據滏口

滏口滏水之口也唐代宗永泰元年薛嵩奏於滏口

之右故臨水縣城置昭義縣以屬磁州沈持林翻滏音釜

張賀度據石濟

魏收地形志鄴縣有

石竇

建義將軍段勤據黎陽

建義將軍蓋亦後趙所置

寧南將軍楊

羣據桑壁

後趙蓋於征鎮安平之外又置四寧括地志易州遂成縣界有桑丘城又水經注常山蒲

吾縣東南有桑中縣故城俗謂之石勒城

劉國據陽城

續漢志中山蒲陰縣有陽城據後劉國自

繁陽引兵會石琨擊冉閔則此陽城乃繁陽城也

段龕據陳留姚弋仲據灊頭

龕苦含翻灊書涉翻

蒲洪據枋頭衆各數萬皆不附於閔勤末桮

之子龕蘭之子也

段末桮先據令支段蘭自宇文入趙

王朗麻秋自長安

赴洛陽秋承閔書誅朗部胡千餘人

朗所部有胡兵千餘人閔命秋誅之

朗奔襄國秋帥衆歸鄴

帥讀曰率下同

蒲洪使其子龍驤將軍

雄迎擊獲之

驤思將翻

以為軍師將軍汝陰王琨及張舉王

朗帥衆七萬伐鄴大將軍閔帥騎千餘與戰於城北閔

操兩刃矛馳騎擊之

兩刃矛者鉞之兩刃皆利其刃騎奇寄翻操千高翻

所向摧

陷斬首三千級琨等大敗而去閔與李農帥騎三萬討

張賀度于石瀆閏月

考異曰帝紀後云閏月三十國晉春秋皆云閏正月按長閏二

月帝紀閏月有丁丑巳丑按是歲正月癸酉朔若閏正月即無丁丑巳丑今以長厯為据

衛主鑒密

遣宦者齎書召張沈等使乘虛襲鄴宦者以告閔農閔

農馳還廢鑒殺之

載記曰鑒立一百三日

并殺趙主虎二十八孫

盡滅石氏

載記曰始勒以成帝咸和三

年姚弋仲子曜

借立二主四子凡二十三年

武將軍益

曜武曜威蓋皆石氏所置

武衛將軍若帥禁兵數千斬關

奔澠頭弋仲帥衆討閔軍于混橋司徒申鍾等上尊號

於閔閔以讓李農農固辭閔曰吾屬故晉人也今晉室

猶存請與諸君分割州郡各稱牧守公侯

守式又翻

奉表迎

晉天子還都洛陽尚書胡睦進曰陛下聖德應天宜登

大位晉氏衰微遠竄江表豈能總馭英雄混一四海乎

閔曰胡尚書之言可謂識機知命矣乃即皇帝位

冉閔字永

曹少字棘奴虎之養孫也父瞻本姓冉名良魏郡內黃人勒破陳午獲瞻時年十二命虎子之

大赦改

元永興國號大魏 朝廷聞中原大亂復謀進取

復扶
又翻

己丑以揚州刺史殷浩為中軍將軍假節都督揚豫徐

兗青五州諸軍事

為殷浩喪
師張本

以蒲洪為氐王使持節征

北大將軍都督河北諸軍事冀州刺史廣川郡公蒲健

為假節右將軍監河北征討前鋒諸軍事襄國公

去年
蒲洪

遣使來降今經畧中原故授任
以懷來之使疏吏翻監工街翻

姚弋仲蒲洪各有據

關右之志弋仲遣其子襄帥眾五萬擊洪洪迎擊破之

斬獲三萬餘級洪自稱大都督大將軍大單于三秦王

改姓苻氏

洪以識文草付應王又其孫堅背有州付以字遂改姓苻氏苻上從竹者非單音蟬

南安雷弱兒為輔國將軍安定梁楞為前將軍領左長

史

楞盧登翻

馮翊魚遵為右將軍領右長史

風俗通宋公子魚之後以王父

字為氏

京兆段陵為左將軍領左司馬天水趙俱隴西牛

夷北地辛牢皆為從事中郎五首毛貴為單于輔相

五即

氏字

二月燕王雋使慕容霸將兵二萬自東道出徒河

慕輿于自西道出蠕蠕塞雋自中道出盧龍塞以伐趙

杜佑曰盧龍塞在今平州城西北二百里以慕容恪鮮于亮為前驅命慕輿

塗搓山通道

搓仕下翻邪
斫木曰搓

留世子暉守龍城以內史劉

斌為大司農

斌音彬

與典書令皇甫真留統後事霸軍至

三陁

樂安城在遼西遼陽縣東魏收地形志
海陽縣有橫山蓋即三陁之地陁音形

趙征東將

軍鄧恒惺怖焚倉庫弃安樂遁去

安樂當作樂安果如
慕容霸所料怖普布

翻

與幽州刺史王午共保薊

薊音計

徙河南部都尉孫泳

急入安樂撲滅餘火籍其穀帛霸收安樂北平兵糧

安樂

並當作

與雋會臨渠

臨渠城臨洶渠洶水出右北平無
終縣西山東南至薤奴縣入鮑丘

樂安

水魏武征蹋頓從洶口鑿渠逕薤
奴縣州以通河海者也洶古侯翻

三月燕兵至無終王

午留其將王佗以數千人守薊

佗徒河翻

與鄧恒走保魯口

魏收地形志博陵郡饒陽縣有魯口城博陵郡唐為定州

乙巳雋拔薊執王佗斬之

雋欲悉阮其士卒千餘人慕容霸諫曰趙為暴虐王興

師伐之將以拯民於塗炭而撫有中州也今始得薊而

阮其士卒恐不可以為王師之先聲也雋入都于薊中

州士女降者相繼

降戶江翻

燕兵至范陽范陽太守李彥欲

為石氏拒燕

為于偽翻

衆莫為用乃帥八城令長出降

范陽郡統

涿良鄉方城長鄉道故安范陽容城八縣帥讀曰牽

雋復以彥為太守彥子績為

幽州別駕弃其家從王午在魯口鄧恒謂午曰績鄉里

在北

績范陽人范陽在魯口之北

父已降燕今雖在此恐終難相保

徒為人累不如去之

累力瑞翻去羗呂翻謂殺之也

午曰此何言也夫

以當今喪亂

喪息浪翻

而績乃能立義捐家情節之重雖古

烈士無以過乃欲以猜嫌害之燕趙之士聞之謂我直

相聚為賊了無意識衆情一散不可復集

復扶又翻

此為坐

自屠潰也恒乃止午猶慮諸將不與已同心或致非意

謂諸將殺之非午之意

乃遣績歸績始辭午往見燕王雋雋讓之

曰卿不識天命弃職邀名今日乃始來邪對曰臣眷戀

舊主志存徵節官身所在何事非君

續謂其身為官身言委質事君身非

我育殿下方以義取天下臣未謂得見之晚也雋悅善

待之雋以弟宜為代郡城郎

此秦漢以來之代郡非後魏之代都此代郡治代後

魏代都乃秦漢之平城也城郎城大皆鮮卑所置付以城郭之任郎主也

孫泳為廣寧太守

悉置幽州郡縣守宰甲子雋使中部侯釐慕與句督薊

中留事

侯釐蓋亦鮮卑部帥之稱侯渠之翻

自將擊鄧恒於魯口軍至清

梁

魏收地形志高陽蠡吾縣有清涼城水經注中山蒲陰縣東南有清梁亭

恒將鹿勃早將

數千人夜襲燕營

鹿姓也風俗通後漢有巴郡太守鹿旗

半已得入先犯

前鋒都督慕容霸突入幕下霸起奮擊手殺十餘人早

不能進由是燕軍得嚴

謂得以嚴備也

雋謂慕容與根曰賊鋒甚

銳宜且避之根正色曰我衆彼寡力不相敵故乘夜來

戰冀萬一獲利今求賊得賊正當擊之復何所疑

復扶又翻

王但安臥臣等自為王破之

為于偽翻

雋不能自安內史李

洪從雋出營外屯高冢上根帥左右精勇數百人從中

牙直前擊早

中牙雋所居也

李洪徐整騎隊還助之

騎奇寄翻

早乃

退走衆軍追擊四十餘里早僅以身免所從士卒死亡

略盡雋引兵還薊

雋之還薊亦鹿勃早有以挫其銳否則進攻魯口矣

魏主閔

復姓冉氏尊母王氏為皇太后立妻董氏為皇后子智

為皇太子循明裕皆為王

循明裕閔之三子

以李農為太宰領

太尉錄尚書事封齊王其子皆封縣公遣使者持節赦

諸軍屯皆不從

諸軍屯張洸及蒲洪等也

庾秋說苻洪曰

說輸芮翻

冉

閔石祗方相持中原之亂未可平也不如先取關中基

業已固然後東爭天下誰敢敵之洪深然之旣而秋因

宴鳩洪欲并其衆世子健收秋斬之洪謂健曰吾所以未入關者以為中州可定今不幸為豎子所困中州非汝兄弟所能辦我死汝急入關言終而卒健代統其衆乃去大都督大將軍三秦王之號

去羗呂翻

稱晉官爵遣其

叔父安來告喪且請朝命

朝直遙翻

趙新興王祗即皇帝

位于襄國

考異曰晉帝紀祗即位於閏月三十國晉春秋皆在三月按十六國春秋祗稱帝拜姚

弋仲符健官而不言符洪洪三月死故疑祗以三月即位

改元永寧以汝陰王琨為

相國六夷據州郡者皆應之

六夷胡羯氏羗段氏及巴蠻也祗以姚弋

仲為右丞相親趙王待以殊禮弋仲子襄雄勇多才略

士民多愛之請弋仲以為嗣弋仲以襄非長子不許

弋襄

仲之第五子
長知兩翻

請者日以千數弋仲乃使之將兵

將即祇亮翻

以襄為驃騎將軍豫州刺史新昌公又以苻健為都督

河南諸軍事鎮南大將軍開府儀同三司兗州牧略陽

郡公夏四月趙主祗遣汝陰王琨將兵十萬伐魏

魏主閔殺李農及其三子并尚書令王謨侍中王衍中

常侍嚴震趙昇閔遣使臨江告晉曰

使疏
吏翻

逆胡亂中原

今已誅之能共討者可遣軍來也朝廷不應 五月廬

江太守袁真攻魏合肥克之虜其居民而還

還從宣翻又如字

六月趙汝陰王琨進據邯鄲

邯鄲音寒丹

鎮南將軍劉國

自繁陽會之

繁陽縣漢屬魏郡晉屬頓丘郡隋廢繁陽入相州內黃縣

魏衛將軍王

泰擊琨大破之死者萬餘人劉國還繁陽 初段蘭卒

於令支

段蘭屯令支見上卷康帝建元元年令音鈴又卽定翻支音祁

段龕代領其衆

因石氏之亂擁部落南徙秋七月龕引兵東據廣固

龕自

陳留而東

自稱齊王

八月代郡人趙犗帥三百餘家

據廣固

叛燕歸趙并州刺史張平

搃苦合翻
帥讀曰率

燕王雋徙廣寧上

谷二郡民於徐無

徐無縣漢晉屬右北平郡後周廢入
無終縣唐改無終為玉田縣屬薊州

代郡民於凡城

恐其復叛歸
趙故徙之

王朗之去長安也朗司

馬杜洪據長安自稱晉征北將軍雍州刺史以馮翊張

琚為司馬關西夷夏皆應之

雍於用翻
夏戶雅翻

苻健欲取之恐

洪知之乃受趙官爵

趙主祗所
授者也

以趙俱為河內太守戍

溫斗夷為安集將軍戍懷

安集將軍苻氏置以安集民
夷為號溫縣懷縣並屬河內

郡溫縣唐屬孟州懷縣
故城在懷州武陟縣西

治宮室於枋頭

治直
之翻

課民種麥

示無西意有知而不種者健殺之以徇既而自稱晉征

西大將軍都督關中諸軍事雍州刺史以武威賈玄碩

為左長史略陽梁安為右長史段純為左司馬辛牢為

右司馬京兆王魚安定程肱胡文等為軍諮祭酒悉衆

而西以魚遵為前鋒行至盟津

盟讀曰孟

為浮梁以濟遣弟

輔國將軍雄帥衆五千自潼關入兄子揚武將軍菁帥

衆七千自軹關入

從河南入潼關至華陰從河北入軹關自蒲津西渡河至渭北合兵以攻

長安帥讀曰率下同

臨別執菁手曰若事不捷汝死河北我死河

南不復相見

復扶又翻

既濟焚橋自帥大衆隨雄而進杜洪

聞之與健書侮慢之以張琚弟先為征虜將軍帥衆萬

三千逆戰于潼關之北先兵大敗走還長安洪悉召關

中之衆以拒健洪弟郁勸洪迎健洪不從郁帥所部降

於健

降戶江翻下同

健遣苻雄徇渭北氐酋毛受屯高陵

高陵縣漢

屬焉

翊晉改曰高陵屬京兆

徐璜屯好時

璜倉何翻好時縣前漢屬石扶風後漢晉省時音止

羌酋白犢屯黃白

即黃白城酋慈由翻

衆各數萬皆斬洪使

使疏吏翻

遣子降於健苻菁魚遵所過城邑無不降附洪懼固守

長安 張賀度段勤劉國斬豚會于昌城

魏收地形志魏郡昌樂縣

有昌城昌樂縣後魏太和二十一年分魏縣置斬居賦翻

將攻鄴魏主閔自將擊之

戰于蒼亭

蒼亭在河上西南至東阿六十里自將即亮翻

賀度等大敗死者二

萬八千人追斬斬豚於陰安

陰安縣漢屬魏郡晉屬頓丘郡劉昫曰陰安城在澶

州頓丘縣北

盡俘其衆而歸閔戎卒三十餘萬旌旗鉦鼓綿

亘百餘里雖石氏之盛無以過也故晉散騎常侍隴西

辛謚有高名

散志賈翻騎奇寄翻

歷劉石之世徵辟皆不就閔備

禮徵為太常謚遺閔書

遺于季翻

以為物極則反致至則危

戰國策曰物至而反冬夏是也致至則危累晷君王功是也高誘注曰冬至生夏至殺故曰反致極也

已成矣宜因茲大捷歸身晉朝朝直必有由夷之廉享

松喬之壽矣由夷許由伯夷也松喬亦松子王子喬也因不食而卒九月

燕王雋南狗冀州取章武河間晉武帝泰始元年分渤海置章武國五代志後

魏以河間置瀛州統內有平舒縣舊置章武郡初勃海賈堅少尚氣節少詩照翻下同

仕趙為殿中督趙亡堅奔魏主閔還鄉里擁部曲數千

家燕慕容評狗勃海遣使招之堅終不降使疏吏翻降戶江翻評

與戰擒之雋以評為章武太守封裕為河間太守雋與

慕容恪皆愛賈堅之材堅時年六十餘恪聞其善射置

牛百步上以試之堅曰少之時能令不中今老矣往往

中之乃射再發

少詩照翻中竹仲翻射而亦翻

一矢拂脊一矢磨腹皆

附膚落毛上下如一觀者咸服其妙雋以堅為樂陵太

守治高城

高城縣自漢以來屬勃海郡賢曰高城故城在今滄州鹽山縣南

苻菁與

張先戰于渭北擒之三輔郡縣堡壁皆降冬十月苻健

長驅至長安杜洪張琚奔司竹

扶風陂屋縣有司竹園宋白曰竹在鄠陂屋之

間漢官有竹丞魏置司守之官後魏有司竹都尉

燕王雋還薊留諸將守之

雋還至龍城謁陵廟 十一月魏主閔帥步騎十萬攻

襄國

帥讀曰率騎奇寄翻下同

署其子太原王脣為大單于驃騎大

將軍以降胡一千配之為麾下

單音蟬驃匹妙翻降戶江翻

光祿大

夫韋謏諫曰胡羯皆我之仇敵

謏蘇島翻閔先誅胡羯故謏云然

今來

歸附苟存性命耳萬一為變悔之何及請誅屏降胡去

單于之號

屏必郭翻去羌呂翻

以防微杜漸閔方欲撫納羣胡大

怒誅謏及其子伯陽

為下降胡執脣降趙張本

甲午苻健入長安

以民心思晉乃遣參軍杜山伯詣建康獻捷并修好於

桓溫於是秦雍夷夏皆附之

夷夏皆附健以其歸晉也好呼到翻雍於用翻夏戶

雅趙涼州刺史石寧獨據上邽不下十二月苻雄擊斬

之 蔡謨除司徒三年不就職

四年謨除司徒

詔書屢下太后

遣使諭意

使疏吏翻

謨終不受於是帝臨軒遣侍中紀據黃

門郎丁纂徵謨謨陳疾篤使主簿謝攸陳讓自旦至申

使者十餘返而謨不至時帝方八歲甚倦問左右曰所

召人何以至今不來臨軒何時當竟太后以君臣俱疲

乃詔必不來者宜罷朝

朝直還翻下同

中軍將軍殷浩奏免吏

部尚書江彪官

彪通閑翻

會稽王昱令曹曰

下令於尚書曹也昱時錄尚書

六條事會工外翻

蔡公傲違上命無人臣之禮若人主卑屈於

上大義不行於下亦不知所以為政矣公卿乃奏謨悖

慢傲上罪同不臣

悖蒲內翻

請送廷尉以正刑書謨懼帥子

弟詣闕稽顙自到廷尉待罪

帥讀曰率稽音啟

殷浩欲加謨大

辟

辟毗亦翻

會徐州刺史荀羨入朝

羨自京口朝建康

浩以問羨羨

曰蔡公今日事危

謂謨死也

明日必有桓文之舉

言將舉兵以問其罪

浩乃止下詔免謨為庶人

資治通鑑卷九十八

欽定四庫全書

資治通鑑卷九十九

宋 司馬光 撰

胡三省 音註

晉紀二十一

起重光大淵獻盡閏逢攝提格凡四年

孝宗穆皇帝中之上

永和七年春正月丁酉日有食之 苻健左長史賈玄

碩等請依劉備稱漢中王故事

事見六十八卷漢獻帝建安二十四年 表

健爲都督關中諸軍事大將軍大單于秦王

玄碩欲表言之於晉

朝單音蟬

健怒曰吾豈堪爲秦王邪且晉使未返使疏我之

官爵非汝曹所知也旣而密使梁安諷玄碩等上尊號

上時掌翻

健辭讓再三然後許之丙辰健即天王大單于位

苻健字建業

洪第三子

國號大秦大赦改元皇始追尊父洪爲武

惠皇帝廟號太祖立妻强氏爲天王后

强其兩翻氏姓也

子苻

爲太子靚爲平原公

苻仲良翻靚疾正翻

生爲淮南公靚爲長樂

公

樂音洛

方爲高陽公碩爲北平公騰爲淮陽公柳爲晉

公桐爲汝南公廋爲魏公

廋所鳩翻

武爲燕公幼爲趙公以

苻雄爲都督中外諸軍事丞相領車騎大將軍雍州牧

東海公

雍於用翻

苻菁爲衛大將軍平昌公宿衛二宮

二宮健所

居及子長所居也

雷弱兒爲太尉毛貴爲司空略陽姜伯周爲

尚書令梁楞爲左僕射

楞盧登翻

王墮爲右僕射魚遵爲太

子太師强平爲太傅段純爲太保呂婆樓爲散騎常侍

散悉置翻騎奇寄翻

伯周健之舅平王后之弟婆樓本略陽氏酋

也

酋慈由翻

段龕請以青州內附二月戊寅以龕爲鎮北

將軍封齊公

段龕據廣固始上卷上年龕苦舍翻

魏主閔攻圍襄國百

餘曰

去年十一月閏攻襄國

趙主祗危急乃去皇帝之號稱趙王

去羗呂翻

遣太尉張舉乞師於燕許送傳國璽

璽氏翻

中軍將

軍張春乞師於姚弋仲弋仲遣其子襄帥騎二萬八千

救趙

帥讀曰率

誠之曰冉閔弃仁背義屠滅石氏

事見上卷五年六年

背蒲妹翻

我受人厚遇

謂石虎遇之厚也

當爲復讐老病不能自行

汝才十倍於閔若不梟擒以來不必復見我也

爲于僞翻梟堅

堯翻復又翻

弋仲亦遣使告於燕

使疏吏翻下同

燕主雋遣禦難將

軍悅綰

禦難將軍蓋慕容氏創置難乃旦翻

將兵三萬往會之冉閔聞雋

欲救趙遣大司馬從事中郎廣寧常煒使於燕雋使封
裕詰之曰冉閔石氏養息

息子也詰去吉翻

負恩作逆何敢輒

稱大號煒曰湯放桀武王伐紂以興商周之業曹孟德

養於宦官莫知所出卒立魏氏之基

曹操事見六十八卷漢靈帝中平元

年操字孟德卒子恤翻

苟非天命安能成功推此而言何必致問

裕曰人言冉閔初立鑄金爲己像以卜成敗而像不成
信乎煒曰不聞裕曰南來者皆云如是何故隱之煒曰
姦僞之人欲矯天命以惑人者乃假符瑞託蓍龜以自

重著升脂翻魏主握符璽據中州受命何疑而更反真爲僞

取決於金像乎裕曰傳國璽果安在煒曰在鄴裕曰張

舉言在襄國煒曰殺胡之日在鄴者殆無子遺子吉列翻孤也

單也言無孤單得遺者時有迸漏者皆潛伏溝瀆中耳爾雅水注谷曰溝水

注澮曰瀆迸北諍翻彼安知璽之所在乎彼求救者爲妄誕之辭

無所不可况一璽乎雋猶以張舉之言爲信乃積柴其

旁使裕以其私誘之曰君更熟思無爲徒取灰滅誘音酉

煒正色曰石氏貪暴親帥大兵攻燕國都雖不克而返

事見九十六卷成帝
咸康四年帥讀曰率

然志在必取故運資糧聚器械於

東北者非以相資乃欲相滅也

事見九十六卷
咸康四年六年

魏主誅

翦石氏雖不爲燕臣子之心聞仇讐之滅義當如何而

更爲彼責我不亦異乎

異猶言可怪
也爲于僞翻

吾聞死者骨肉下

于土

下戶
嫁翻

精魂升于天蒙君之惠速益薪縱火使僕得

上訴於帝足矣左右請殺之雋曰彼不憚殺身以徇其

主忠臣也且冉閔有罪使臣何預焉

使疏
吏翻

使出就館使

其鄉人趙瞻往勞之

勞力
到翻

且曰君何不以實言王怒欲

處君於遼碣之表

遼海及碣石爲遼碣杜佑曰盧龍漢肥如縣有碣石山碣然而立在海旁

秦築長城所起自碣石在今高麗舊界非此碣石也趙瞻所謂遼碣蓋即杜佑所言者也處昌呂翻奈何

煒曰吾結髮以來尚不欺布衣况人主乎曲意苟合性

所不能直情盡言雖沈東海不敢避也

沈持林翻

遂臥向壁

不復與瞻言

復扶又翻

瞻具以白雉雉乃囚煒於龍城趙

并州刺史張平遣使降秦

使疏吏翻降戶江翻

秦王以平爲大將

軍冀州牧

燕王雋還薊

自龍城還薊音計

三月姚襄及趙

汝陰王琨各引兵救襄國

琨自信都進兵救襄國

冉閔遣車騎將

軍胡睦拒襄於長蘆

水經注漳水過堂陽縣西分爲二水其右水東北注出石門謂之長

蘆水長蘆水西逕堂陽縣故城南又東逕九門陂又東逕扶都縣五代志隋置長蘆縣屬河間郡劉昫曰長蘆

漢參戶縣地

將軍孫威拒琨於黃丘

魏收地形志鉅鹿郡鄆縣有黃丘鄆苦么翻

皆敗還士卒略盡閔欲自出擊之衛將軍王泰諫曰今

襄國未下外救雲集若我出戰必覆背受敵

覆當作腹

此危

道也不若固壘以挫其銳徐觀其釁而擊之

釁隙也

且陞

下親臨行陳

行戶剛翻陳讀曰陣

如失萬全則大事去矣閔將止

道士法饒進曰陛下圍襄國經年無尺寸之功今賊至

又避不擊將何以使將士乎

將即亮翻

且太白入昴當殺胡

王

晉天文志昴七星為旄頭胡星也

百戰百克不可失也閔攘袂大言

曰吾戰決矣敢沮衆者斬

攘如羊翻沮在呂翻

乃悉衆出與襄琨

戰悅綰適以燕兵至去魏兵數里疏布騎卒曳柴揚塵

疏讀與疎同騎奇寄翻下同

魏人望之恟懼

自棘城之敗趙人固畏燕兵見其至而勢盛故

恟懼恟襄琨綰三面擊之趙王祗自後衝之魏兵大敗

許拱翻
果如王泰之言腹背受敵而敗

閔與十餘騎走還鄴降胡栗特康等執

大單于盾及左僕射劉琦以降趙趙王祗殺之

果如韋謏之言

史言冉閔不能用羣策以取敗降戶江翻單音蟬

胡睦及司空石璞尚書令徐

機中書監盧謏等并將士死者凡十餘萬人

劉隗盧謏不能爲晉

死而卒死於兵人誰不死貴得其死所耳謏是壬翻

閔潛還人無知者鄴中震恐

訛言閔已沒射聲校尉張艾請閔親郊以安衆心

親出郊

郊祀也

閔從之訛言乃息閔支解灋饒父子

解剝其支體而殺之贈

韋謏大司徒

謏死見上卷上年謏蘇烏翻

姚襄還灞頭

灞書涉翻姚弋仲

怒其不擒閔杖之一百初閔之爲趙相也

相息亮翻

悉散倉

庫以樹私恩與羗胡相攻無月不戰趙所徙青雍幽荆

四州之民

石虎破曹嶷徙青州之民破劉肅石生再徙雍州之民破段匹彈及爲燕所敗徙幽州之

民石勒南掠江漢徙荆州之民雍於用翻

及氐羌胡蠻數百萬口以趙法禁

不行各還本土道路交錯互相殺掠其能達者什有二

三中原大亂因以飢疫人相食無復耕者

復扶又翻

趙王祗

使其將劉顯帥衆七萬攻鄴

帥讀曰率

軍于明光宮

此明光宮石氏

所建也

去鄴二十三里魏主閔恐召王泰欲與之謀泰恚

前言之不從辭以瘡甚

戰敗被傷故因以瘡甚辭恚於避翻

閔親臨問之

泰固稱疾篤閔怒還宮謂左右曰巴奴乃公豈假汝爲

命邪

王泰蓋巴蠻也乃公冉閔自謂也自漢高祖已有是語

要將先滅羣胡却斬

王泰乃悉衆出戰大破顯軍追奔至陽平

陽平縣漢屬東郡魏晉分

屬陽平郡而陽平郡治在魏郡東北宋白曰魏州莘縣漢為陽平縣後趙移陽平理館陶縣

斬首三

萬餘級顯懼密使請降

使疏吏翻降戶江翻

求殺祇以自效閔乃

引歸有告王泰欲叛入秦者閔殺之夷其三族秦王

健分遣使者問民疾苦搜羅雋異寬重歛之稅弛離宮

之禁

趙修長安宮殿亦有離宮之禁歛力贍翻

罷無用之器去侈靡之服

去

呂凡趙之苛政不便於民者皆除之

史言苻健所以能據有關中

杜洪張琚遣使召梁州刺史司馬勲夏四月勲帥步騎

三萬赴之

帥讀曰率
騎奇寄翻

秦王健禦之於五丈原勲屢戰皆

敗退歸南鄭健以中書令賈玄碩始者不上尊號銜之

上時
掌翻

使人告玄碩與司馬勲通并其諸子皆殺之 渤

海人逢約

逢皮
江翻

因趙亂擁衆數千家附於魏魏以約爲

渤海太守故太守劉準隗之兄子也土豪封放奕之從

弟也

從才
用翻

別聚衆自守閔以準爲幽州刺史與約中分

渤海燕王雋使封奕討約使昌黎太守高開討準放開

瞻之子也

高瞻見九十一卷
元帝太興二年

奕引兵直抵約壘遣人謂

約曰相與鄉里隔絕日久

封奕本渤海人懷帝永嘉五年託於慕容廆見八十七卷

會遇甚難時事利害人皆有心非所論也願單出一相

見以寫佇結之情

人立而待之曰佇企望之情鬱積而不散曰結

約素信重奕

即出見奕於門外各屏騎卒

屏必郢翻
騎奇寄翻

單馬交語奕與

論叙平生畢因說之曰與君累世同鄉情相愛重誠欲

君享祚無窮今既獲展奉

展省視也奉承也
事也說輸芮翻

不可不盡

所懷冉閔乘石氏之亂奄有成資是宜天下服其彊矣

而禍亂方始固知天命不可力爭也燕王奕世載德

奕世

載德班彪王命論之言師古曰載乘也言相因不絕奉義討亂所征無敵今已都

薊南臨趙魏遠近之民襁負歸之民厭荼毒

孔安國曰荼毒苦也

襁居兩翻咸思有道冉閔之亡匪朝伊夕成敗之形昭然易

見易以且燕王肇開王業虛心賢雋君能翻然改圖則

功叅絳灌慶流苗裔孰與爲亡國將守孤城以待必至

之禍哉將即亮翻約聞之悵然不言奕給使張安有勇力

給使

在左右給使令者也奕豫戒之俟約氣下安突前持其馬鞚

鞚空貢翻

因挾之而馳至營奕與坐謂曰君計不能自決故相為

決之

爲于
僞翻

非欲取君以邀功乃欲全君以安民也高開

至渤海準放迎降

降戶
江翻

雋以放爲渤海太守準爲左司

馬約參軍事以約誘於人而遇獲

誘音
酉

更其名曰鈞

更工

衡
翻

劉顯弑趙王祗及其丞相樂安王炳太宰趙庶等

十餘人傳首于鄴驃騎將軍石寧奔柘人

柘人縣自漢
以來屬趙國

劉昉曰唐邢州堯山縣古之
柘人城驃匹妙翻騎奇寄翻

魏主閔焚祗首于通衢拜

顯上大將軍大單于冀州牧

單音
蟬

五月趙兖州刺史

劉啓自鄆城來奔

鄆城縣漢屬濟陰郡晉屬濮陽國唐爲濮州治所鄆吉縣翻

秋

七月劉顯復引兵攻鄆

復扶又翻

魏主閔擊敗之

敗蒲邁翻

顯還

稱帝於襄國

八月魏徐州刺史周成兖州刺史魏統

荊州刺史樂弘豫州牧張遇以廩丘許昌等諸城來降

時周成據廩丘張遇據許昌降戶江翻

平南將軍高崇征虜將軍呂護執

洛州刺史鄭系以其地來降

時崇護以三河之地來降

燕王雋遣募

容恪攻中山慕容評攻王午于魯口魏中山太守上谷

侯龕閉城拒守

龕苦含翻

恪南徇常山軍于九門

九門縣自漢以來屬

常山郡 魏趙郡太守遼西李邽舉郡降恪厚撫之將邽還

圍中山侯龕乃降恪入中山遷其將帥土豪數十家詣

薊將即亮翻帥所類翻薊音計餘皆安堵軍令嚴明秋毫不犯慕容

評至南安王午遣其將鄭生拒戰評擊斬之悅綰還自

襄國雋乃知張舉之妄而殺之常煒有四男二女在中

山雋釋煒之囚使諸子就見之煒上疏謝恩雋手令答

曰卿本不爲生計孤以州里相存耳雋居昌黎煒居廣寧二郡皆屬幽州

今大亂之中諸子盡至豈非天所念邪天且念卿况於

孤乎賜妾一人穀三百斛使居凡城以北平太守孫興

爲中山太守興善於綏撫中山遂安庫傳官偉帥部

衆自上黨降燕

傳奴沃翻庫傳官漁陽烏桓大人庫傳之餘種按溫公與劉道原書以爲庫當

作庫詳見前

姚弋仲遣使來請降

趙亡弋仲乃降晉史言其盡忠於石

例庫音舍

氏使疏吏

冬十月以弋仲爲使持節六夷大都督督江

北諸軍事

江河北恐當作河北

車騎大將軍開府儀同三司大單

于高陵郡公

騎音寄翻單音蟬

又以其子襄爲持節平北將軍

都督并州諸軍事并州刺史平鄉縣公逢鈞亡歸渤海

海招集舊衆以叛燕樂陵太守賈堅

考異曰燕書賈堅傳烈祖問堅年

對以受新命始及三載烈祖悅其言拜樂陵太守按堅
以去年九月獲於燕至明年始三年若未為樂陵太守
豈能安集諸縣告諭逢鈞故知堅使人告諭鄉人示以
先已為樂陵太守非因問年而授

成敗鈞部衆稍散遂來奔吐谷渾葉延卒子碎奚立

晉書作辟奚按一百三卷簡文帝咸安元年鍾惡地殺三弟事亦當作辟奚

初桓溫聞石

氏亂上疏請出師經略中原

溫蓋上疏於五年出屯安陸之時

事久不

報溫知朝廷杖殷浩以抗已甚忿之然素知浩之為人

亦不之憚也以國無他釁遂得相持彌年羈縻而已八

州士衆資調殆不爲國家用

永和元年溫都督荆司雍
蓋梁寧六州五年遣滕峻

帥交廣之兵伐林邑蓋是時已加督交
廣二州矣資財也調賦也調徒釣翻

屢求北伐詔書

不聽十二月辛未溫拜表輒行帥衆四五萬順流而下

軍於武昌

帥讀
曰率

朝廷大懼殷浩欲去位以避溫又欲以

騶虞幡駐溫軍吏部尚書王彪之言於會稽王昱曰此

屬皆自為計非能保社稷為殿下計也

會工
外翻

若殷浩去

職人情離駭天子獨坐當此之際必有任其責者非殿

下而誰乎又謂浩曰彼若抗表問罪卿為之首事任如

此謂浩當朝政也猜霧已成謂浩與溫有隙也欲作匹夫豈有全地邪

且當靜以待之令相王與手書相息亮翻示以款誠為陳成

敗彼必旋師若不從則遣中詔又不從乃當以正義相

裁謂正溫舉兵向闕之罪奈何無故忿忿先自猖獗乎忿倉紅翻浩曰

決大事正自難頃日來欲使人悶聞卿此謀意始得了

也了決彪之彬之子也王敦之亂彬能守正彪之可謂克紹矣撫軍司馬高

崧昱為撫軍大將軍以崧為司馬言於昱曰王宜致書諭以禍福自當

返旆如其不爾便六軍整駕逆順於茲判矣言溫若不還則當整

六師奉順
討逆也

乃於坐爲昱草書曰寇難宜平時會宜接

是謂

時中原豪傑來降有恢復之會所宜應接

此實爲國

遠圖經略大策能弘斯會非足下而誰但以比興師動

衆要當以資實爲本

比毗寐翻

運轉之艱古人所難不可易

之於始而不熟慮

易以鼓翻

頃所以深用爲疑惟在此耳然

異常之舉衆之所駭遊聲噂噉

噉祖本翻噉徒合翻噉噉聚語也

想足

下亦少聞之

少詩沼翻

苟患失之無所不至

論語孔子之言

或能望

風振擾一時崩散如此則望實並喪

喪息浪翻

社稷之事去

矣皆由吾闇弱德信不著不能鎮靜羣庶保固維城

詩曰

宗子維城

所以內愧於心外慙良友吾與足下雖職有內外

安社稷保國家其致一也

致極也言事理諸極之地則一也

天下安危

繫之明德當先思寧國而後圖其外使王基克隆大義

弘著所望於足下區區誠懷豈可復顧嫌而不盡哉

復扶

又翻

溫即上疏惶恐致謝回軍還鎮

朝廷將行郊祀會

稽王昱問於王彪之曰郊祀應有赦否彪之曰自中興

以來郊祀往往有赦愚意常謂非宜凶愚之人以為郊

必有赦將生心於傲幸矣

傲堅堯翻

昱從之

燕王雋如龍

城

丁零翟鼠帥所部降燕封為歸義王

丁零居中山其後翟斌等

皆其種類也

帥讀曰率

八年春正月辛卯日有食之

秦丞相雄等請秦王健

正尊號依漢晉之舊不必效石氏之初

謂石虎兄弟皆先稱天王後即

皇帝位

健從之即皇帝位大赦諸公皆進爵為王且言單

于所以統一百蠻非天子所宜領

此亦雄等之言也單音蟬

以授太

子萇

司馬勲既還漢中杜洪張琚屯宜秋

水經注鄭渠自中山

西轅口東流逕宜秋城北又東逕
中山南又東逕池陽縣故城北

洪自以右族輕琚琚

遂殺洪自立爲秦王改元建昌

劉顯攻常山魏主閔

留大將軍蔣幹使輔太子智守鄴自將八千騎救之顯

大司馬清河王寧以棗彊降魏

棗彊縣前漢屬清河郡後漢晉省尋復置屬信

郡閔擊顯敗之

敗補邁翻

追奔至襄國顯大將軍曹伏駒開

門納閔閔殺顯及其公卿已下百餘人

考異曰閔殺顯晉帝紀在正

月十六國春秋鈔在二月燕王在三月己酉未知孰是今從帝紀

焚襄國宮室遷其民

於鄴趙汝陰王琨以其妻妾來奔斬於建康市石氏遂

絕

自古無不亡之國宗族誅夷固亦有之未有至於絕姓者石氏窮凶極暴而子孫無遺種足以見天道之

不與矣

尚書左丞孔嚴言於殷浩曰比來衆情良可寒

心

比毗至翻

不知使君當何以鎮之愚謂宜明受任之方韓

彭專征伐蕭曹守管籥

事見漢高帝紀曹參當高帝時從韓信用兵其後相齊未嘗守

管籥嚴以蕭曹相繼爲相而言之

內外之任各有攸司深思廉藺屈身

之義

事見四卷周赧王三十六年

平勃交歡之謀

事見十三卷漢高后七年

令穆

然無間

穆然和而靜之貌問古莧翻

然後可以保大定功也

嚴欲浩與桓溫

兩釋猜嫌降心相從以圖國事也保大定功左傳楚莊王所謂武有七德此其二也觀近日降附

之徒皆人面獸心貪而無親恐難以義感也

段龕張遇姚襄之徒

孔嚴固見其肺肝矣降戶江翻

浩不從嚴愉之從子也

從才用翻

浩上疏請

北出許洛詔許之以安西將軍謝尚北中郎將荀羨爲

督統

晉志曰四中郎將並後漢置歷魏及晉並有其職江左彌重時謝尚鎮壽春荀羨鎮京口浩欲兩道

俱進故使二人並爲督統各統其方之兵

進屯壽春謝尚不能撫尉張遇

尉與

慰同遇怒據許昌叛使其將上官恩據洛陽樂弘攻督護

戴施於倉垣浩軍不能進三月命荀羨鎮淮陰尋加監

青州諸軍事

監工衛翻

又領兗州刺史鎮下邳

乙巳燕王

雋還薊稍徙軍中文武兵民家屬於薊

自北徙其家屬而南又恐其懷

居而無樂遷之心故稍徙之

姚弋仲有子四十二人及病謂諸子

曰石氏待吾厚吾本欲爲之盡力

爲于僞翻

今石氏已滅中

原無主我死汝亟自歸於晉當固執臣節無爲不義也

弋仲卒子襄祕不發喪帥戶六萬南攻陽平元城發干

破之屯于碣磝津

帥讀曰率下同襄自溝頭而南也元城縣漢屬魏郡晉屬陽平郡發干縣

漢屬東郡晉屬陽平郡劉昫曰唐魏州莘縣漢陽平縣地碣磝城即漢東郡茌平縣故城其西南即河津謂之

碣磝津後魏置濟州於碣磝城杜佑曰碣磝即今濟陽郡城碣口交翻碣音教揚正衡曰碣五勞翻碣口勞翻

毛晃曰礪丘交翻礪牛交
翻或曰礪音確礪音交

以太原王亮為長史天水尹

赤為司馬太原薛瓚略陽權翼為參軍

姓譜權本顓頊之後楚武王使

閻絳尹權因為氏韓愈權德輿墓碑曰殷武丁之子降封於權權江漢間國也周衰入楚為權氏瓚藏旱翻

襄與秦兵戰敗亡三萬餘戶南至滎陽始發喪又與秦

將高昌李歷戰于麻田

高昌李歷本趙將也時附於秦故稱秦將滎洛之間地名有豆

田麻田各因人所種藝而名之

馬中流矢而斃

中竹仲翻

弟萇以馬授襄

萇仲

良翻襄曰汝何以自免萇曰但令兄濟豎子必不敢害萇

會救至俱免尹赤奔秦秦以赤為并州刺史鎮蒲阪襄

遂帥衆歸晉送其五弟爲質

致質音

詔襄屯譙城襄單騎

度淮見謝尚于壽春尚聞其名命去仗衛幅巾待之

奇騎

奇翻去丘呂翻

歡若平生襄博學善談論江東人士皆重之

魏主閔既克襄國因遊食常山中山諸郡趙立義將軍

段勤聚胡羯萬餘人保據繹幕

繹幕縣自漢以來屬清河郡

自稱趙

帝夏四月甲子燕王雋遣慕容恪等擊魏慕容霸等擊

勤魏主閔將與燕戰大將軍董閔車騎將軍張溫諫曰

翻奇寄鮮卑乘勝鋒銳且彼衆我寡宜且避之俟其驕

情然後益兵以擊之閔怒曰吾欲以此衆平幽州斬慕容雋今遇恪而避之人謂我何司徒劉茂特進郎閔相

謂曰吾君此行必不還矣吾等何為坐待戮辱皆自殺

閔苦亥翻又音開

閔軍于安喜

安喜縣前漢曰安險屬中山郡後漢章帝更名唐復爲安險縣

屬定州而定州所治之安喜縣漢盧奴縣也

慕容恪引兵從之閔趣常山

七趣

喻翻下同恪追之及于魏昌之廉臺

魏昌縣屬中山郡本苦陘漢章帝改爲漢昌魏

文帝改爲魏昌唐爲定州唐昌縣魏收地形志中山毋極縣有廉臺蓋晉省無極縣廉臺遂在魏昌界

閔

與燕兵交戰燕兵皆不勝閔素有勇名所將兵精銳

即將

亮燕人憚之慕容恪巡陳

陳讀曰陣

謂將士曰冉閔勇而無

謀一夫敵耳其士卒飢疲甲兵雖精其實難用不足破

也閔以所將多步卒

將即亮翻

而燕皆騎兵引兵將趣林中

恪參軍高開曰吾騎兵利平地若閔得入林不可復制

復扶又翻

宜亟遣輕騎邀之既合而陽走誘致平地然後可

擊也

誘音西

恪從之魏兵還就平地恪分軍為三部謂諸

將曰閔性輕銳又自以衆少必致死於我我厚集中軍

之陳以待之

少詩沼翻陳讀曰陣下同

俟其合戰卿等從旁擊之無

不克矣乃擇鮮卑善射者五千人以鐵鎖連其馬為方

陳而前閔所乘駿馬曰朱龍日行千里閔左操兩刃矛

右執鉤戟以擊燕兵斬首三百餘級望見大幢知其為

中軍直衝之燕兩軍從旁夾擊大破之

恪以鐵鎖連馬則閔兵雖致死

而陳不可破兩軍從旁夾擊則閔兵三面受敵不敗何待操千刀翻幢直江翻

圍閔數重

龍重直

閔潰圍東走二十餘里朱龍忽斃為燕兵所執燕人殺

魏僕射劉羣執董閔張溫及閔皆送於薊

董閔當作董閔冉閔自立

事始上卷六年至是而滅

閔子操奔魯口高開被創而卒

創初良翻慕容

恪進屯常山雋命恪鎮中山已知冉閔至薊雋大赦立
閔而責之曰汝奴僕下才何得妄稱帝閔曰天下大亂

爾曹夷狄禽獸之類猶稱帝况我中土英雄何得不稱

帝邪雋怒鞭之三百送於龍城慕容霸軍至繹幕段勤

與弟思聰舉城降

降戶江
翻下同

甲申雋遣慕容評及中尉侯

龕帥精騎萬人攻鄴

龕苦
舍翻

癸巳至鄴魏蔣幹及太子智

閉城拒守城外皆降於燕劉寧及弟崇帥胡騎三千奔

晉陽

劉寧劉顯將也以素
強降閔帥讀曰率

秦以張遇為征東大將軍

豫州牧 五月秦主健攻張琚於宜秋斬之 鄴中大

飢人相食故趙時宮人被食略盡被皮義翻 蔣幹使侍中繆

嵩詹事劉猗奉表請降且求救於謝尚繆靡初翻 庚寅燕王

雋遣廣威將軍慕容軍殿中將軍慕容興根右司馬皇甫

真等帥步騎二萬助慕容評攻鄴 辛卯燕人斬冉閔

於龍城會大旱蝗燕王雋謂閔爲祟祟雖遂翻神禍曰祟 遣使祀

之謚曰悼武天王 初謝尚使戴施據枋頭遣施之時指令據枋

頭施聞蔣幹求救乃自倉垣徙屯棘津棘津即石濟南津有棘津亭

止幹使者求傳國璽

璽氏翻

劉猗使繆嵩還鄴白幹幹疑

尚不能救沈吟未決

沈持林翻

六月施帥壯士百餘人入鄴

助守三臺給之曰今燕寇在外道路不通璽未敢送也

卿且出以付我我當馳白天子天子聞璽在吾所信卿

至誠必多發兵糧以相救餉幹以爲然出璽付之施宣

言使督護何融迎糧陰令懷璽送于枋頭

江南之未得璽也中原謂

之白板天子傳國璽至此歸晉蘭相如全璧歸趙趙王擢之自繆賢舍人爲上大夫戴施能復致累代傳國之

實未聞晉朝以顯賞甄之也何居

甲子蔣幹帥銳卒五千及晉兵出戰

慕容評大破之斬首四千級幹脫走入城 甲申秦主

健還長安

自宜秋還長安也

謝尚姚襄共攻張過于許昌秦

主健遣丞相東海王雄衛大將軍平昌王菁略地關東

帥步騎二萬救之丁亥戰于潁水之誠橋

據晉紀誠橋在許昌

尚

等大敗死者萬五千人尚奔還淮南襄弃輜重送尚于

芍陂

重直用翻

尚悉以後事付襄

謝尚既敗姚襄知晉之不足恃固有去晉之心矧殷

浩又從而速之乎

殷浩聞尚敗退屯壽春秋七月秦丞相雄徙

張過及陳穎許洛之民五萬餘戶於關中

張過據有許穎豈肯歛手

受羈制於人乎苻雄乘勝以兵威徙之自此遇之死命制於苻氏矣以右衛將軍楊羣為

豫州刺史鎮許昌謝尚降號建威將軍趙故西中郎

將王擢遣使請降拜擢秦州刺史

王擢自石虎時當秦隴之任降戶江翻下

同

丁酉以武陵王晞為太宰丙辰燕王雋如中山

壬午聞魏敗時鄧恒已死

恒戶登翻

午自稱安國王八月

戊辰燕王雋遣慕容恪封奕陽驚攻之午閉城自守送

冉操詣燕軍燕人掠其禾稼而還

慕容恪善用兵知魯口之未可取徒久攻

以斃士卒故掠其禾稼全師而退金城湯池非粟不守孤城之外春取其麥而秋取其禾彼將焉仰哉還從宣

翻又
如字

庚午魏長水校尉馬願等開鄴城納燕兵戴施

蔣幹懸縋而下

縋直
僞翻

犇于倉垣慕容評送魏后董氏太

子智太尉申鍾司空條枚等

條姓也周亞夫封
條侯其後以為氏

及乘輿

服御于薊

乘繩
證翻

尚書令王簡左僕射張乾右僕射郎肅

皆自殺燕王雋詐云董氏得傳國璽獻之賜號奉璽君

賜冉智爵海賓侯以申鍾爲大將軍右長史命慕容評

鎮鄴

桓溫使司馬勲助周撫討蕭敬文於涪城斬之

蕭敬文據涪城始九十
七卷永和三年涪音浮

謝尚自枋頭迎傳國璽至建

康百僚畢賀 秦以雷弱兒爲大司馬毛貴爲太尉張

遇爲司空 殷浩之北伐也中軍將軍王羲之以書止

之不聽既而無功復謀再舉

復扶又翻下所復故復同

羲之遺浩書

曰今以區區江左天下寒心固已久矣

寒心者恐不能自保遺于季翻

力爭武功非所當作

作爲也

自頃處內外之任者

處昌呂翻下而

處向未有深謀遠慮而疲竭根本各從所志竟無一功可

論遂令天下將有土崩之勢任其事者豈得辭四海之

責哉

言殷浩不得辭其責也

今軍破於外資竭於內保淮之志非

所復及莫若還保長江督將各復舊鎮

將即亮翻

自長江以

外羈縻而已引咎責躬更爲善治

治直吏翻

省其賦役與民

更始庶可以救倒懸之急也

保江之說此王導佐元帝之規摹世之議者識其忘

讐忍耻置中原於度外若以量時度力保固本根言之此策未爲非也至於引咎責躬省民賦役所謂善敗不亡諸葛孔明街亭喪師之後正亦如是而已使君起於布衣任天下之重當

董統之任而敗喪至此

喪息浪翻

恐闔朝羣賢未有與人分

其謫者

朝直遙翻

若猶以前事爲未工故復求之分外

分扶問翻

宇宙雖廣自容何所此愚智所不解也

解胡買翻曉也其後殷浩廢黜

卒如義
之之言

又與會稽王昱牋曰爲人臣誰不願尊其主比

隆前世況遇難得之運哉顧力有所不及豈可不權輕

重而處之也

處昌
呂翻

今雖有可喜之會內求諸已而所憂

乃重於所喜功未可期遺黎殲盡勞役無時徵求日重

以區區吳越經緯天下十分之九不亡何待而不度德

量力

度徒洛翻
量音良

不弊不已此封內所痛心歎悼而莫敢

吐誠者也往者不可諫來者猶可追

論語載楚狂
接輿之言

願殿

下更垂王思先爲不可勝之基須根立勢舉謀之未晚

兵法曰先為不可勝以待敵之可勝此處文意短若不行此處文意短恐麋鹿之游將

不止林藪而已

吳伍子胥曰臣恐麋鹿游於姑蘇此祖其意而微其言澤無水曰藪願殿

下斲廢虛遠之懷

義之此言蓋譏豈好談清虛玄遠也斲與暫同以救倒懸之

急可謂以亡為存轉禍為福也不從九月浩屯泗口遣

河南太守戴施據石門滎陽太守劉遜據倉垣浩以軍

興罷遣太學生徒學校由此遂廢

元帝建武元年始立太學今復以軍興廢

校戶

教翻

冬十月謝尚遣冠軍將軍王俠攻許昌克之

冠古玩翻

狹戶

頗翻

秦豫州刺史楊羣退屯弘農徵尚為給事中戍石

頭 丁卯燕王雋還薊 故趙將擁兵據州郡者各遣

使降燕

將即亮翻使疏吏翻降戶江翻

燕王雋以王擢為益州刺史夔

逸為秦州刺史張平為并州刺史李歷為兗州刺史高

昌為安西將軍劉寧為車騎將軍 慕容恪屯安平

安平

縣前漢屬涿郡後漢屬安平國晉屬博陵郡唐屬深州

積糧治攻具將討王午

治直

之 丙戌中山蘇林起兵於無極

無極縣漢屬中山國晉省無本作毋唐武后萬

歲通天二年始改母字為無此當作毋

自稱天子恪自魯口還討林閏月

戊子燕王雋遣廣威將軍慕容興根助恪攻林斬之王午

為其將秦興所殺呂護殺興復自稱安國王

復扶又翻

燕羣

僚共上尊號於燕王雋雋許之

上時掌翻

十一月丁卯始置

百官以國相封奕為太尉左長史陽騫為尚書令右司

馬皇甫真為尚書左僕射典書令張悌為右僕射

悌香衣翻

其餘文武拜授有差戊辰雋即皇帝位大赦自謂獲傳

國璽改元元璽追尊武宣王為高祖武宣皇帝文明王

為太祖文明皇帝

龐謚武宣王
鮑謚文明王

時晉使適至燕

使疏吏翻雋

謂曰汝還曰汝天子我承人乏為中國所推已為帝矣

謂中國無主已為士民所推遂承人之而即尊位也改司州為中州建留臺於龍

都趙置司州於鄴燕初都龍城時遷于薊故建留臺於龍城謂之龍都以玄菟太守乙逸

為尚書專委留務菟同都翻秦丞相雄攻王擢于隴西擢

奔涼州雄還屯隴東隴東漢汧縣地張重華以擢為征虜將軍

秦州刺史特寵待之重華寵待王擢以圖秦隴豈知擢非苻雄之敵也

九年春正月乙卯朔大赦二月庚子燕主雋立其妃

可足渾氏為皇后為可足渾后亂燕張本世子暕為皇

太子皆自龍城遷于薊宮張重華遣將軍張弘宋修

會王擢帥步騎萬五千伐秦

帥讀曰率
騎奇奇翻

秦丞相雄衛將

軍菁拒之大敗涼兵於龍黎

新唐書地理志隴州吳山
縣有龍盤府龍盤城吳山

後魏之南由縣地疑龍黎即
龍盤也敗補邁翻下所敗同

斬首萬二千級虜張弘宋

修王擢奔秦州犇姑臧秦主健以領軍將軍苻願為秦

州刺史鎮上邽 三月交州刺史阮敷討林邑破五十

餘壘 趙故衛尉常山李犢聚眾數千人叛燕 西域

胡劉康詐稱劉曜子聚眾於平陽自稱晉王夏四月秦

左衛將軍苻飛討擒之 以安西將軍謝尚為尚書僕

射 五月張重華復使王擢帥衆二萬伐上邽

復扶秦又翻

州郡縣多應之苻願戰敗奔長安重華因上疏請伐秦

詔進重華涼州牧 燕主雋遣衛將軍恪討李犢犢降

降戶江 遂東擊呂護於魯口 六月秦苻飛攻氐王楊

翻下同

初於仇池為初所敗

楊初據險以拒秦秦兵雖彊故為初所敗敗補邁翻

丞相雄

平昌王菁帥步騎四萬屯于隴東秦主健納張遇繼母

韓氏為昭儀數於衆中謂遇曰

數所角翻

卿吾假子也遇耻

之因雄等精兵在外陰結關中豪傑欲滅苻氏以其地

來降秋七月遇與黃門劉晃謀夜襲健晃約開門以待

之會健使晃出外晃固辭不得已而行遇不知引兵至

門門不開事覺伏誅於是孔持起池陽劉珍夏侯顯起

鄠喬秉起雍胡陽赤起司竹呼延毒起灃城

池陽縣漢屬馮翊晉

屬扶風唐爲雲陽縣屬京兆鄠縣漢屬扶風晉屬始平郡唐屬京兆雍縣漢屬扶風唐改爲天興縣爲鳳翔府

治所霸陵縣漢屬京兆晉改曰霸城喬秉載記作喬景避唐諱也孔持作孔特鄠音戶雍於用翻衆數

萬人各遣使來請兵

使疏吏翻下同

秦以左僕射魚遵爲司

空 九月秦丞相雄帥衆二萬還長安

帥讀曰遣平昌率下同

王菁略定上洛置荊州于豐陽川

上洛縣漢西都屬弘農郡東漢屬京兆武

帝泰始二年分置上洛郡豐陽川在郡界續漢志南陽郡析縣有豐陽城後魏太安二年置豐陽縣左傳所謂

司馬起豐析即其地劉昫曰唐商州豐陽縣屬漢商縣地晉分商縣置豐陽縣因豐陽川爲名以步兵

校尉金城郭敬爲刺史雄與清河王灋符飛分討孔持

等姚襄屯歷陽以燕秦方彊未有北伐之志乃夾淮

廣興屯田訓厲將士

將即亮翻

殷浩在壽春惡其彊盛

惡烏路翻

下同囚襄諸弟屢遣刺客刺之

刺之七亦翻

刺客皆以情告襄

安北將軍魏統卒

魏統來降見上七年

弟憬代領部曲浩潛遣憬

帥衆五千襲之襄斬憬并其衆

憬古通翻

浩愈惡之使龍驤

將軍劉啓守譙

驤思將翻

遷襄于梁國螽臺

司馬彪郡國志睢陽縣有盧門

亭城內有高臺甚秀廣巍然介立超焉獨上謂之螽臺杜預曰盧門宋城南門也續述征記曰迴道似螽故謂之螽臺螽如字若如述表授梁國內史魏憬子弟數往征記之說音盧戈翻

來壽春

數所角翻

襄益疑懼遣參軍權翼使於浩浩曰身與

姚平北共為王臣休戚同之平北每舉動自專甚失輔

車之理豈所望也

左傳曰輔車相依杜預注曰輔頰輔車牙車車尺奢翻

翼曰平

北英姿絕世擁兵數萬遠歸晉室者以朝廷有道宰輔

明哲故也。今將軍輕信讒慝之言，與平北有隙，愚謂猜嫌之端在此，不在彼也。浩曰：「平北姿性豪邁，生殺自由。」

又縱小人掠奪吾馬，王臣之體固若是乎？」翼曰：「平北歸。」

命聖朝

朝直
遜翻

豈肯妄殺無辜姦宄之人？亦王灋所不容。」

也。殺之何害？浩曰：「然則掠馬何也？」翼曰：「將軍謂平北雄」

武，難制，終將討之，故取馬欲以自衛耳。」浩笑曰：「何至是。」

也。

權翼之言得浩之情故笑
史言浩不能綏御新附

初，浩陰遣人誘梁安雷弱。

兒使殺秦主健許，以關右之任弱兒僞許之，且請兵應。

接浩聞張遇作亂健兄子輔國將軍黃睂自洛陽西奔

以為安等事已成冬十月浩自壽春帥衆七萬北伐帥

讀

日欲進據洛陽修復園陵吏部尚書王彪之上會稽王

昱牋

上時掌翻

以為弱兒等容有詐偽浩未應輕進不從

使

梁雷果受浩間而殺健浩亦未能越關陝以取長安其欲乘苻黃眉之去而據洛陽不過欲以修復園陵為功耳昱遂以為真可立功而不聽王彪之言宜拒溫得因以廢浩而制昱也浩以姚襄為前

驅襄引兵北行度浩將至

度徒洛翻

詐令部衆夜遁陰伏甲

以邀之浩聞而追襄至山桑

山桑縣前漢屬沛郡後漢屬汝南郡晉屬譙郡按山

桑六朝兵爭為渦陽之襄縱兵擊之浩大敗奔輜重走地唐為亳州蒙城縣地

保譙城

重直龍翻

襄俘斬萬餘悉收其資仗使兄益守山桑

襄復如淮南

復扶又翻

會稽王昱謂王彪之曰君言無不中

中竹仲翻

張陳無以過也

張陳謂張良陳平

西平敬烈公張重華

有疾子曜靈纔十歲立為世子赦其境內重華庶兄長

寧侯祚有勇力吏幹

水經注金城西平西北四十里有長寧亭晉室西平郡有長寧縣

而傾巧善事內外與重華嬖臣趙長尉緝等結異姓兄

弟

尉姓也左傳有鄭大夫尉止嬖卑義翻又博計翻

都尉常據請出之重華曰

吾方以祚為周公使輔幼子君是何言也

託孤之難尚矣况張重華

乎謝艾以抱罕之功

事見九十七卷永和三年抱音庸

有寵於重華左

右疾之譖艾出為酒泉太守艾上疏言權倖用事公室

將危乞聽臣入侍且言長寧侯祚及趙長等將為亂宜

盡逐之十一月己未重華疾甚手令徵艾為衛將軍監

中外諸軍事輔政

監工衙翻

祚長等匿而不宣丁卯重華卒

世子曜靈立稱大司馬涼州刺史西平公趙長等矯重

華遺令以長寧侯祚為都督中外諸軍事撫軍大將軍

輔政

史言張氏之亂

殷浩使部將劉啓王彬之攻姚益于山

桑姚襄自淮南擊之啓彬之皆敗死

啓劉興之孫也

襄進據芍

陂

趙末樂陵朱禿平原杜能清河丁嬈

嬈乃了翻又如紹翻

陽

平孫元各擁兵分據城邑至是皆請降於燕

降戶江翻

燕主

雋以禿爲青州刺史能爲平原太守嬈爲立節將軍元

爲兗州刺史各留撫其營 秦丞相雄克池陽斬孔持

十二月清河王灋符飛克鄆斬劉珍夏侯顯 姚襄濟

淮屯盱眙

盱眙音怡

招掠流民衆至七萬分置守宰勸課

農桑

姚襄所為僅如此而晉人已為之震懼蓋奸雄所竊笑也

遣使詣建康罪狀殷

浩并自陳謝

使疏吏翻

詔以謝尚都督江西淮南諸軍事豫

州刺史鎮歷陽

以尚得襄之歡心既以招撫之又以備之

涼右長史趙長

等建議以為時難未夷宜立長君

難乃旦翻長知兩翻

曜靈冲幼

請立長寧侯祚張祚先得幸於重華之母馬氏馬氏許

之乃廢張曜靈為涼寧侯立祚為大都督大將軍涼州

牧涼公祚既得志恣為淫虐殺重華妃裴氏及謝艾

淫者

燕其君母虐者殺裴妃謝艾即此二端他所淫虐又其餘毒也

燕衛將軍恪撫軍將

軍軍左將軍彪等屢薦給事黃門侍郎霸有命世之才
宜總大任是歲燕主雋以霸為使持節安東將軍冀州

刺史鎮常山

冀州刺史鎮信都今置北冀州於常山

十年春正月張祚自稱涼王改建興四十二年為和平

元年

河西張氏乃心晉室奉建興年號至四十餘年張祚凶淫改元僭擬祖父之所不相也

立妻

辛氏為王后子太和為太子封弟天錫為長寧侯子庭

堅為建康侯

建康郡蓋張氏所置張茂分屬涼州

曜靈弟玄靚為涼武侯

靚疾正翻

置百官郊祀天地用天子禮樂尚書馬岌切諫坐

免官

炭魚及翻

郎中丁琪復諫曰我自武公以來

張軌謚武公復扶又

翻世守臣節抱忠履謙五十餘年

履謙謂未嘗建國自王也惠帝永寧元年

張軌鎮涼土至是五十四年

故能以一州之衆抗舉世之虜師徒歲

起民不告疲殿下勲德未高於先公而亟謀革命臣未

見其可也彼士民所以用命四遠所以歸嚮者以吾能

奉晉室故也今而自尊則中外離心安能以一隅之地

拒天下之彊敵乎祚大怒斬之於闕下

自古戮諫臣未有不亡者也

故魏降將周成反

周成降見上七年降戶江翻將即亮翻

自宛襲洛陽

宛元翻於

辛酉河南太守戴施奔鮪渚

水經注河水過河南鞏縣北有山臨河謂

之釜原丘其下有穴謂之鞏穴言潜通浦北達于河直穴有渚謂之鮪渚鮪于軌翻

秦丞相雄

克司竹胡陽赤奔霸城依呼延毒

中軍將軍揚州刺

史殷浩連年北伐師徒屢敗糧械都盡征西將軍桓溫

因朝野之怨上疏數浩之罪請廢之

數所具翻

朝廷不得已

免浩為庶人徙東陽之信安

東陽郡本會稽西郡都尉吳孫皓寶鼎元年立郡信

安縣漢獻帝初平三年分太末立新安縣武帝太康元年更名信安東陽郡唐為婺州信安縣唐為衢州治所

自此内外大權一歸於溫矣

史言晉氏失權由用殷浩違其才

浩少與

溫齊名

少詩
照翻

而心競不相下溫常輕之浩既廢黜雖愁

怨不形辭色常書空作咄咄怪事字

咄當沒翻咄
咄嗟咨語也

久之

溫謂掾郝超曰

掾于絹翻
郝丑之翻

浩有德有言嚮為令僕足以

儀刑百揆朝廷用違其才耳將以浩為尚書令以書告

之浩欣然許焉將答書慮有謬誤開閉者十數竟達空

函溫大怒由是遂絕卒於徙所以前會稽內史王述為

揚州刺史

卒子恤翻
會工外翻

二月乙丑桓溫統步騎四萬發

江陵水軍自襄陽入均口至南鄉

水經注順陽郡筑陽
縣有涉都城沔水逕

東北均水於縣入河謂之均口筑陽與南鄉縣漢皆屬南陽郡漢建安中分南陽右壤立南鄉郡二縣屬焉武

帝更名順陽郡成帝咸步兵自浙川趣武關折縣前漢屬弘農郡

後漢屬南陽郡春秋之白羽也武關在其西文潁曰武關去析縣百七十里賢曰析即今鄧州內鄉縣後魏置

浙川縣有浙水後命司馬勲出子午道以伐秦命勲從梁州出

師燕衛將軍恪圍魯口三月拔之呂護奔野王遣弟

奉表謝罪於燕燕以護爲河內太守姚襄遣使降燕

使疏吏翻燕王雋以慕容評爲鎮南將軍都督秦雍

益梁江揚荆徐兗豫十州諸軍事權鎮洛水雍於用翻以慕

容彊為前鋒都督督荆徐二州緣淮諸軍事進據河南

此河南謂大河之南

桓溫別將攻上洛獲秦荊州刺史郭敬進

擊青泥破之

青泥城在藍田縣南

司馬勲掠秦西鄙涼秦州刺史

王擢攻陳倉以應溫

趙亡王擢歸張氏故以涼繫之

秦主健遣太子萇

萇仲良翻

丞相雄淮南王生平昌王菁北平王碩帥眾五萬

軍于嶢柳以拒溫

土地記曰藍田縣南有嶢關地名嶢柳道通荊州晉地道記曰關當上洛

縣西北帥讀曰率下同嶢五聊翻

夏四月己亥溫與秦兵戰于藍田秦

淮南王生單騎突陳

騎奇寄翻下同陳讀曰陣

出入以十數殺傷晉

將士甚衆溫督衆力戰秦兵大敗將軍桓冲又敗秦丞

相雄于白鹿原

水經注霸川之西有白鹿原三秦記曰麗山西有白鹿原魏收地形志京兆藍

田縣有白鹿原又敗補邁翻

冲溫之弟也溫轉戰而前壬寅進至灞

上秦太子萇等退屯城南秦主健與老弱六千固守長

安小城悉發精兵三萬遣大司馬雷弱兒等與萇合兵

以拒溫二輔郡縣皆來降

降戶江翻

溫撫諭居民使安堵復

業民爭持牛酒迎勞

勞力到翻

男女夾路觀之耆老有垂泣

者曰不圖今日復覩官軍

復扶又翻

秦丞相雄帥騎七千

襲司馬勲於子午谷破之勲退屯女媧堡 戊申燕主

雋封撫軍將軍軍為襄陽王左將軍彭為武昌王以衛

將軍恪為大司馬侍中大都督錄尚書事封太原王鎮

南將軍評為司徒驃騎將軍封上庸王

驃匹
妙翻

封安東將

軍霸為吳王左賢王友為范陽王散騎常侍厲為下邳

王散騎常侍宜為廬江王

散悉
置翻

寧北將軍度為樂浪王

樂浪音
洛琅 又封弟桓為宜都王逮為臨賀王徽為河間王

龍為歷陽王納為北海王秀為蘭陵王嶽為安豐王德

為梁公默為始安公儻為南康公

儻主翻

子咸為樂安王

參考後卷咸當作臧

亮為勃海王溫為帶方王涉為漁陽王暉為

中山王以尚書令陽騫為司空仍守尚書令命冀州刺

史吳王霸徙治信都

去年霸治常山

初燕王皝奇霸之才故名

之曰霸將以為世子羣臣諫而止然寵遇猶踰於世子

由是雋惡之

惡烏路翻下同

以其嘗隆馬折齒更名曰缺

更工衡翻

下同缺傾雪翻

尋以其應識文更名曰垂遷侍中錄留臺事徙

鎮龍城垂大得東北之和雋愈惡之復召還

雋雖忌垂卒之復燕

詐者垂也天之
所置其可廢乎

五月江西流民郭敞等執陳留內史

劉仕降于姚襄

晉南渡後陳留郡寄治譙郡長垣縣界按載記劉仕時在堂邑

建康震

駭以吏部尚書周閔為中軍將軍屯中堂豫州刺史謝

尚自歷陽還衛京師固江備守王擢拔陳倉殺秦扶

風內史毛難北海王猛少好學

少詩照翻好呼到翻

倜儻有大

志不屑細務人皆輕之猛悠然自得隱居華陰

王猛傳猛北海

劇人家于魏郡徐統召而不應遂隱于華陰山華陰縣
前漢屬京兆後漢晉屬弘農郡倜他狄翻華戶化翻

聞桓溫入關披褐詣之捫蝨而談當世之務

褐毛布蝨色櫛翻

苟若無人溫異之問曰吾奉天子之命將銳兵十萬為

百姓除殘賊

將即亮翻為于偽翻

而三秦豪傑未有至者何也猛

曰公不遠數千里深入敵境今長安咫尺而不度灊水

百姓未知公心所以不至溫嘿然無以應徐曰江東無

卿比也

猛蓋指出溫之心事以為溫之伐秦但欲以功名鎮服江東非真有心於伐罪弔民恢復境土

不然何以不渡灊水徑攻長安此溫所以無以應也然余觀桓溫用兵伐秦至霸上伐燕至枋頭皆乘勝進兵

逼其國都乃持重觀望卒以取敗蓋溫豺雄也乘勝進兵逼其國都冀其望風畏威有內潰之變也逼其國都而敵無內變故持重以待之情見勢屈敵因而乘之故至於敗蘇子由所謂以智遇智則其智不足恃者此也

乃署猛軍謀祭酒溫與秦丞相雄等戰于白鹿原溫兵

不利死者萬餘人初溫指秦麥以為糧既而秦人悉芟

麥清野以待之溫軍乏食六月丁丑徙關中三千餘戶

而歸以王猛為高官督護

職為督護而加以高官也魏晉之間凡居節鎮者其部

將有督護其後又置高官督護

王敦鎮武昌有高官督護繆坦欲與俱還猛辭不就

猛

肯從溫溫豈不欲殺之邪蓋溫

軍已敗忽忽退師不暇殺之也呼延毒帥眾一萬從溫

還

帥讀曰率

秦太子萇等隨溫擊之比至潼關

比必錄翻

溫軍屢

敗失亡以萬數溫之屯灊上也順陽太守薛珍勸溫徑

進逼長安

成帝改順陽曰南鄉郡既而復舊

溫弗從珍以偏師獨濟頗

有所獲及溫退乃還顯言於衆自矜其勇而咎溫之持

重溫殺之

秦丞相雄擊司馬勲王擢於陳倉

勲自女媧堡會

擢攻陳倉

勲奔漢中擢奔略陽

秦以光祿大夫趙俱為洛

陽刺史鎮宜陽

秦東海敬武王雄攻喬秉于雍

雍於用翻

丙申卒秦王健哭之嘔血曰天不欲吾平四海邪何奪

吾元才之速也

符雄字元才

贈魏王葬禮依晉安平獻王故

事雄以佐命元勲權侔人主而謙恭汎愛遵奉灋度故

健重之常曰元才吾之周公也子堅襲爵

堅襲爵東海王

堅性

至孝幼有志度博學多能交結英豪呂婆樓彊汪及略

陽梁平老皆與之善

苻堅事始此

燕樂陵太守慕容鉤翰

之子也

慕容翰有破高句麗滅宇文之功

與青州刺史朱禿共治厭次

厭於瑛翻

鉤自恃宗室每陵侮禿禿不勝忿

勝音升

秋七月襲

鉤殺之南奔段龕

為後燕主誅禿張本

秦太子萇攻喬乘于雍

八月斬之關中悉平秦主健賞拒桓溫之功以雷弱兒

為丞相毛貴為太傅魚遵為太尉淮南王生為中軍大

將軍平昌王菁為司空健勤於政事數延公卿

數所角翻

講治道

治直吏翻

承趙人苛虐奢侈之後易以寬簡節儉崇

禮儒士由是秦人悅之

燕大調兵衆

調徒鈞翻發也

因發詔

之日號曰丙戌舉九月桓溫還自伐秦帝遣侍中黃

門勞溫于襄陽

侍中黃門侍郎自魏以來為要近之職勞力到翻

或告燕黃

門侍郎宋斌等謀奉冉智為主而反皆伏誅斌燭之子

也

宋燭見九十六卷成帝咸康四年斌音彬

秦太子萇之拒桓溫也為流

矢所中

中竹仲翻

冬十月卒謚曰獻哀

燕主雋如龍城

桓溫之入關也王擢遣使告涼王祚

使疏吏翻

言溫善用兵

其志難測祚懼且畏擢之叛已遣人刺之

刺七亦翻

事泄祚

益懼大發兵聲言東伐實欲西保敦煌

敦煌徒門翻

會溫還而

止既而遣秦州刺史牛霸等帥兵三千擊擢破之十一

月擢帥衆降秦

帥讀曰率降戶江翻

秦以擢為尚書以上將軍啖

鐵為秦州刺史

啖氏姓也毛晃曰音徒覽翻

秦王健叔父武都王

安自晉還

健遣安來請朝命見上卷六年

為姚襄所虜以為洛州刺史

十二月安亡歸秦健以安為大司馬驃騎大將軍并州

刺史鎮蒲阪

驃匹
妙翻

是歲秦大飢米一升直布一匹



資治通鑑卷九十九